

光緒順天府志

官師志三

光緒順天府志

傳三

德清傅雲龍江陰穆荃孫履軒

國朝

順天府尹

按歷朝以時代次

國朝則分職分地略有區別

施世綸福建晉江人康熙二十四年由任子授泰州知州入爲太僕卿坐事免

特旨授順天府尹

先正時

金吾帥託和諾行驕縱轎前常擁八騶

施遇諸途乃拱立道旁長揖以俟託驚駭下轎問之施忽厲聲曰國家制度非王公不設騶馬吾以爲諸王至此拱立以俟孰意汝也欲劾之託謝乃已

肅亭雜錄

令行禁止畿輔肅然

事略

俗評曰施青天

肅亭雜錄

衛旣濟字爾錫山西猗氏人康熙時檢討二十年爲霸州州判二

十六年起用原官授山東布政使三十年入爲順天府尹有聲時  
陸清獻隴其以言事當謫既濟奏陸爲縣令時深得民心得免初  
不相識後亦如初人兩賢之

霸州周志

孫嘉淦字錫公號懿齋山西興縣人康熙五十二年進士官檢討  
世宗憲皇帝卽位以言事見知提督安徽學政雍正三年調順天  
學政教人一本經術奏革一切供應蒙

恩賜養廉歲四千兩併

賜西城官房七十餘間爲考校京邑生童之處歲滿受代蒞祭酒  
任署順天府尹奏請立法以平米價丁父憂服闋以順天府尹召  
官至吏部尙書協辦大學士充

經筵講官薦諡文定

慮文昭抱  
經堂文集

胡寶瑔初名金蘭字泰舒江蘇青浦人遷自歙舉人乾隆二年試

授內閣中書累擢給事中再遷順天府丞督學政有聲十三年從征金川以功擢順天尹順天號難治寶琮游刃有餘若無事者十四年三月大學士傅恆奏稱胡寶琮辦事甚屬諳練順天府尹衙門事務尙簡請仍留軍機處辦事

報可官至河南巡撫太子少傅諡恪靖

先正事略參春融堂集小倉山房文集胡公墓誌銘

樂章鉅樞垣紀略

李因培字鶴峯晉甯州人乾隆乙丑進士題名碑十八年兼順天府

府尹六月因培奏言順天府屬飛蝗皆自灤州玉田至急宜撲捕命因培馳驛往督率地方官不實力者許糾劾七月參通永道王楷等撲蝗不力皆革職九月因培奏言涿州知州李鍾倬素著虧空名正在訪實而督臣方觀承以不宜涿州之任奏請撤回鍾倬果不勝任則在任四年督臣何以若罔聞知而必待至劣迹彰聞

事將敗露之日又據鍾俾稟稱必不誤交代州縣交代或墊發留抵或米穀霉變新任不肯接收上司率以刁勒訓飭臣不敢謂方觀承必有其事然核其情節自在

聖明洞鑒中疏入革鍾俾職尋得其虧空挪移治罪如律

漢名臣傳

劉綸字繩菴

題名碑

江蘇武進人乾隆丙辰由廩生應博學鴻詞科

考授編修戶部侍郎兼順天府尹故事順天府公牘治中通判不

署名皆先放自廢綸請以錢穀屬治中獄訟屬通判先署牘呈尹

以可否之王師西征準噶爾將發役車供備壹切辦治事竟無一

人譁於道者

先正事略

二十四年六月奏薊州寶坻等處蝻子萌動一

邑村落甚多州縣官事繁未能周徧派千總外委同佐雜分捕參

將大員偕監司巡察勤惰以示勸懲

漢名臣傳

陳兆崙字句山

采訪冊

浙江錢塘人雍正八年進士召試入詞林官

太僕寺卿乾隆十九年擢順天府府尹歲大水所在告災兆崙心計指畫撫綏安集無不得所畿輔役繁舊設官車力疲攸議簽富戶以代兆崙奏罷之咸以爲便時西路出師徵發禁旅索倫兆崙經畫宿頓儲蓄井井有條軍民晏然二十一年遷太常卿入直

上書房選通政副使

國史文苑傳  
先正事略

寶光字元調號東皋山東諸城人乾隆七年進士授編修十三年累官內閣學士憂歸起補副都御史尋授順天府尹畿輔叢弊久吏胥因緣爲姦光鼎受事苞苴屏絕首劾薊州知州長全聲名狼籍按治之特薦京縣南第錫李湖後官督撫皆稱賢臣任府尹四年丁外憂歸服除再補原官蝗蝻災光鼎報聞親捕之旗莊不出丁協捕與督臣奏辨褫職不數月起通政副使

奏職小峴山人  
文集五參先正

事

三十五年再尹順天官至吏部侍郎

据題  
名碑

吉夢熊字毅揚一字渭崖江蘇丹陽人乾隆壬申進士選庶吉士累官

順天府府尹初巡視通漕釐革弊端胥吏咸懾又奏稽察剝船疏

濬河道俾運穀增數速竣

上避之薊之軍糧曩自直沽抵五里橋水淺恆懸擱高岸夢熊請

改陸運赴易州得早給兵與旗丁並稱便其尹京兆也絕苞苴平

案牘兼施威惠輦穀肅清當酷暑捕蝗不肯張蓋膚焦吻渴不以

為苦大雨經旬民病涉措設多方而事集行旅頌德受代者乃諸

城劉文正統勳之弟純煒統勳遇夢熊迎謂曰君廉明為從來府

尹第一已飭弟仿君舊規勿更變蓋治績夙彰見重如是官至通

政小萬卷齋文集十九翁方綱撰墓志銘府尹題名碑

汪如淵浙江秀水人已未進士嘉慶二十四年采訪冊任順天府尹

遇林清變後事如蠅集如淵不延幕客危坐堂上然燭觀文書四

鼓乃寢暇獨處陋室足不踰閭劉鏐之過訪歎曰此去枯寂禪師  
有幾爲官如此有何樂境如淵曰此汪某報國之始念也劉笑謝  
之京兆爲之大治

肅亭雜錄

何凌漢字雲門又字仙桂湖南道州人嘉慶十年進士由編修累  
遷通政司副使道光六年春擢順天府府尹時前尹朱爲弼無被  
議事而左遷府丞凌漢蒙

特旨除授

召對時有人品學問朕所深知之論蓋在

帝簡中久矣甫蒞任聞抱養育嬰堂幼孩者須以數十金買龍票  
立革其弊立內號簿飭屬訊案每月按簿催結無留獄八年元旦  
逆回張格爾就擒

先正事略

上以凌漢於協剿回疆之吉林黑龍江官兵由京進發彈壓靜謐



支應妥速兩次交部優敘順天所屬州縣掘至四路同知更無升途凌漢以人材須鼓勵會大名府缺出與直督會奏得

旨以西路同知辛文沚補授遂開此例京畿獄訟繁多自府縣收理各案外由刑部都察院提督府奏交谷送無虛日凌漢盡心研究大要以罪疑惟輕務歸仁厚如宛平縣民張文恭等曾習天主教改悔免罪漏繳經卷蔓累多人涿州民果三毆死白允兒棄屍大清河三載無獲等案一則援例減等一則奏請暫行監禁惟於凶盜案件謂宜懲一警百如拏獲奪犯傷差窩賊馬七等拏究兇惡棍匪王殿臣等皆從嚴訊辦府廨後有廢園就蒔花竹爲退思之地顏其亭曰佳晴喜雨快雪之亭志無忘民事也十年立春日循例進春

上召問春牛顏色起於何時凌漢奏月令稱出土牛並無顏色宋

時頒行土牛經支幹各色略與今同始於仁宗景祐元年其博洽

強記多類此

阮元何文安公神道碑銘七月

命皇長子往祭

孝穆皇后陵寢淩漢以大雨時行橋道難恃請改派親王大臣

上深然之卽改派

先正事略

尹茲五年地方綏靜命盜各案甚稀

聖心倚注久任不遷是年復調吉林黑龍江兵征臺灣彈壓如前

簡浙江學政十三年春調補吏部右侍郎兼順天府府尹事

命卽來京供職時歲試未終也淩漢益靖共爾位時濬九門護城

河以工代賑數萬人

上問工竣如何資送淩漢奏附近京城之民無庸資送其隸外州縣及外省者應於散工日給盤川錢二百文再給印票一張注明制錢五百文同本籍衙門承領貧民歸有餘資散歸必速奉

甘允行

神道碑銘

諡文安

題名碑

翁心存江蘇常熟人道光壬午進士編修累遷工部尚書咸豐三年兼管順天府尹時粵寇北竄畿輔驛驛徵調關東索倫兵及東三盟蒙古兵駐畿甸外所需車馬芻糧之屬無算有不給者以乏軍儲論心存先期辦治民不知役規度可掙扼地列柵屯守料簡民兵壯聲援舉司其事者百里外烽堠相望金鼓聲四聞寇窺其有備進不敢偏

先正事略

諡文端

題名碑

李朝儀字藻洲貴州貴筑人道光乙巳進士簽分直隸知縣先後官畿甸者三十一年初知平谷縣事厯官三河大興知縣署南路廳同知東路廳同知其在三河建置書院在南路廳創辦民團在東路廳督捕蝥孽在通州值咸豐庚申之役土寇鍾起朝儀自天津防所日夜馳歸聯鄉團除奸究修城守通州賴以不擾進道銜

歷知順德等府同知七年前直隸曾國藩游舉賢員以朝儀居首  
特擢永定河道永定河遇澇輒潰儀在任十年籌備料塼搶護險  
工請修金門閘及灰壩分洩汎漲每遇狂濶驟至董役于深宵風  
雨中員弁兵夫靡不鼓舞慎核官帑裁減陋規所定章程至今遵  
守光緒六年由山東鹽運使遷順天府尹卒于官大學士直隸總  
督李鴻章奏請宣付史館

報可

案訪冊

巡道同知

蔣三捷遼東人歲貢順治元年由戶部郎任通州兵備道性威嚴  
奸胥氣懾政教甚舉月朔望輒講鄉約六則士大夫及里老子弟  
次第立左右跪罪囚于庭前聽講畢有罪者朴治冤抑者辨釋人

服其斷稱其廉云

續輔唐志六十  
七參一統志五

陳維新奉天人順治四年任昌平兵備道有惠政（總補唐志渤海六十七）

盜起兵勦捕株連及州維新請兵無入境（一統志五）力雪之民賴以全

去後爲立生祠（畿輔志參采訪明）

崔誼之字老山平度州人進士康熙十年任通永道性寬和然治

政明決拘讎不苛不徇饋送悉屏絕之時稱廉靜云（畿輔唐志六十七）

祝兆熊奉天人蔭生康熙三十八年爲通永道（通州志）宏綱細目釐

然備舉興利革弊果于奉行善政難數最著莫如七行之稅力持

而罷之日用不缺淪肌浹髓（雷一龍通永道視公去思碑）州人建祠立碑（高志）

杜漢字子濂濟南濱州人順治丁亥進士真定府推官累遷副使

備兵通薊道密邇京師豪黨巨猾膠牢固結號難治漢不苟不吐

風流令行僕區法嚴民易羅罪爲立保甲之令什伍相保奸無所

肆可密剽兩鎮仰絕賅制之弊秋抄例一熟兵飲食秣薪無所肆

騷有旨名尺籍者爬剔無隱將弁畏愛之至於催漕沿河不憚劬  
勩督率時王永吉督倉場恨得決晚會天津道屬小園酒艘失事

謾罪通薊逆奪二級註誤去官事尋自

帶經堂集  
四十六

陳鵬年湖南湘潭人康熙三十年進士五十五年命署甯昌道乘  
傳奏事在昌平有冠花翎者數人稱某王道來索修城者金勢張  
甚鵬年偽避辭延之入而陰伏健步縛置獄中因馳奏適某王入  
對上示以鵬年疏曰無之曰然則可聽陳鵬年處分鵬年杖斃一  
人枷四人徇於城自是畿甸肅然嘗進瓜熟河

上命傳諭家僮汝主官清不必常例進奉可將瓜帶歸以賜汝主

鵬年既受代回京修書

先正  
事略

龔佳育字祖錫又字介岑杭州仁和人由龍驤衛經歷累擢山東  
按察司僉事分巡直隸通永道兼司芝運廳稅課佳育周知其弊

駟僧交憚佳育楊起龍潛京師謀爲變事發伏誅於時告訐者鋌起民有賽社者製儀仗迎神爲怨家所訐佳育取驗悉焚之輟門外富家子爲盜牽連拘之則其貌不類察其僞令僕三五偕富家子並立俾盜識之盜誤指僕爲富家子寃乃白平寇將軍出師自潞河南下塗方積雪佳育念輓夫寒餓分遣僕隸載餽饌五車給之飲以盞湯輓夫慍騰於路察哈爾叛佳育勒羽書恒至夜分置郵供餽無缺晨起念三河縣令甫之官未識其人遂懷白金二鎰以匹馬自隨馳入縣城縣令方詰窘乏策佳育畀以金爲區置乃還蒙古兵經通州佳育慮爲民擾列軍校道旁持白挺俾按隊入城擊出隊者市不改肆九門水口圮僉估須七萬金佳育往勘謂三千金可集事修冷口邊牆估減類是伶人黃丁者投旗下橫行鄉曲貨錢運戶強留其子女爲僕妾人畏避之會軍興有例輸烏

槍者官議敘佳育首以百竿進加二級吏胥入賀佳育曰若等知  
我意乎我非藉此爲榮也令甲責旗人者當降級我今可以撻黃  
丁矣吏胥多與丁往還潛誠之匿不敢出三等侍衛達爾瑪詐傳  
敕旨佳育解其佩刀執送吏部

帶經堂集  
四十六

王繼謨 字 人進士爲霸州道清約異常市米蔬手自正簿妻命  
市肉繼謨視簿輒抹之妻怒誓不會食既數月值妻誕日置酒肉  
爲壽妻推案覆地曰吾此生不食肉矣繼謨笑而撤之

愚山文  
別集四

邱廷棟字

人

年爲直隸霸昌道按察使副使

汴昌平州最衝要管京城四路捕盜同知及居庸關古北口諸塞  
延棟捕治明迅盜賊屏息修築永定河張各莊石堤延棟厚餽募  
工應期事集

上親臨霸州閱視至信安當拔支河壩椿以便舟行咸以壩解則



水急洩上流之舟必淤阻大臣將馳奏而

御舟已發相顧莫敢任廷棟毅然曰倘詰責卽云耶某遲誤可也  
既

御舟至投碇俟拔樁乃行亦竟不加譴其勇決類此塞外每年例  
貢皮張自張家口抵京千里車贏勞費不貲廷棟請由驛站遞送  
至今便之歲給各鎮協兵餉悉如法又雅意文治葺文廟興義學  
已卽京闈榜放臺臣言南人冒北籍應試內有中式舉人唐執玉  
王昌等八名牒延棟察治廷棟以士子獲舉甚難且率土王臣何  
斤斤於此訪有入籍田土戶口墳墓卽不問再奉駁審南北語音  
時嚴寒諸生窮乏趨昌平良苦廷棟乘公事赴京師集訊審非南  
音卽列狀保之巡撫以清慎勤勞獎勵再四又數薦於

上蒙

賜御書一幅

李秩郎廷棟墓誌銘

辛文止字雲洲山東蓬萊人進士由庶常改知縣道光五年擢東路同知黎已率屬政聲翕然通州潞河書院久弛捐廉爲倡多延師儒膏火肄業者數十暇輒課之亶亶不倦成就甚多遷清河道

祠名宦

通州高志

馮德岫字如堂商城人嘉慶十六年援例得直隸通判年少而開敏冠其曹時吉林兵進關捕林清黨大吏以良鄉首過兵而令怯弱須強佐即使德岫往兵以不譁道光二十四年補永定河北岸同知改南岸在北岸時三角淀潰德岫冒雨越界防遏其通判得無坐而德岫隄亦全德岫以賢見勞不自難阻至非道求進則夷然不屬故僅以是官終

梅曾亮馮君墓誌銘

大興

錢復字景顏號蓉裳浙江嘉興人其先姓何氏易自明初監生嘉慶初知吳橋縣四年六月擢知大興大興爲畿輔首邑逢

國大典皆得執事未嘗有愆府尹若戴文端汪承霈聞泰和章熙皆器重之一時章奏每屬裁彙過疑獄必詢有負責人錢者繫獄久復至曰獄以繫重囚若所負者錢繫之錢將安出釋之皆如期歸貴人錢曰不敢負錢公黃邨營弁與民爭一驢則曰吾使驢自擇其主縱驢通衢竟奔民家弁乃服貴人姬毒婢死以病報兵馬司驗如報婢父不伏控部奉

旨再驗事乃自古北口守備倭什額與鎮守官角而自刎死聞詔揀員往鞠府尹以復名上得

旨往鎮守官郊迎復曰某小官固奉

命鞠獄者也敢有所徇卒訊得實六年大水逆橋沒馬背村野不

見廛舍民皆避之高阜復亟束木筏載餼糧出永安門至孫河黃村禮賢采育諸處給飢黎活無算旋奉

旨發帑賑濟于是宣

上恩德按戶給發吏胥無侵漁自夏徂春居鄉村者六閱月民困乃蘇水初發時在孫河水暴至踞水次願與民俱死頃刻退數尺民歡呼以爲神九年秋疾乞休

錢泰吉先考蓉案府君行述參采訪冊

宛平

劉義字先資號宜軒山西洪洞人明中葉徙單縣乾隆戊寅知曲陽縣癸未調宛平丙戌官順天府南路同知丁亥調東路壬辰官由永平知府遷通永道戊戌官天津道旋仍調通永道官至直隸總督性伉直疏疏落落似吏才不足者然起家郡縣周知小民之疾苦與下吏之艱難官宛平時盧溝橋向氏旅店多陰妝過客沒

其財義委曲發其奸西山煤礦多藏匿亡命義偵緝散其黨官南

路同知時擒白塔巨盜迨老病乞歸特加太子少保致仕沒諡恪

簡紀昀劉各簡公墓誌銘按癸未為乾隆二十八年

良鄉

張士彪遼陽人李昌垣重修良鄉縣志順治戊子知良鄉縣按戊子為順

治五年先是官茲邑者督戈爰飾尉傳負弩于輪曉間星飯晷拂薄

獄不暇理遑問發序為故學宮鞠為茂草士彪謂正人心維士習

必以詩書始數課士出俸鳩工發糶學宮賦徭清節卹羸削暴癸

已遷齊州牧儒學碑記

李慶祖字福號玉龍奉天鐵嶺人康熙十年知良鄉縣識通敏

緝捕盜除荒田良鄉楊志蘇之屏民虞議從來民瘼關于

之良鄉以彈丸小邑為京師屏翰萬國咽喉自明季以來地瘠民

莫此為甚諸蒞茲土者莫不總總焉憂兢兢然慮也嗣後疊遭

兵變生民則瘠瘵在冊籍者民不滿八百丁驛地梗塞縣治廢  
 矣故前令符疏奏請嚴催協濟車馬官吏家子迨不過歲元殘  
 喘而已自我清朝定鼎以滿漢不便雜居故因民地撥補定州  
 以輸生計課以裕民生其為百姓計固且詳也凡六藝共三十年  
 耳乎生計日繁也俯仰有資也室家保聚父母妻孥之慶榮也何  
 為不其然也是豈法之不善與乃法行而笑其率法者之不善也  
 何也民以地為根本自宜隨地而居何以在定者少而在原者多  
 也說者曰一則為本縣差徭墾隘阻隔應當不便也一則為祖宗  
 朝別縣不忍也一則為本縣差徭墾隘阻隔應當不便也一則為祖宗  
 於是則定民取租以完一則為地之零星沙薄室廬全無耕種為難也  
 費不貲定民且未必應手而與也遲延日久地租未全而耗費將  
 盡矣定民口實得暇前鄉里之民之貧民之貧民之貧民之貧民之  
 比止也時口實得暇前鄉里之民之貧民之貧民之貧民之貧民之  
 思變良定爭訟盈庭上至外族之民之貧民之貧民之貧民之貧民之  
 是之規則以定州絕地租銀徵作良民賦稅官收官解美意良法  
 就善于此是以又良民之出萬死而獲一生也至于丁則更有難焉  
 矣册上坐名雖有二千餘數除老弱殘廢精壯者不過數百名耳  
 衙役史書壯快等占用實多而衙役之若又不可言矣日行差使  
 紛紜絡繹印官親身應付衙役傳催少延時刻官長遣其尋常  
 役祇其無咎矣且借端需索恐小人之腹難饜也甚至解京銀糧  
 查則查看夜則巡警官長且飲食俱廢矣又何有于衙役乎更可  
 憂者起解逃人盜贓等事于繁重大常遇衙門公務數日不得投  
 又本身工食有幾盡費其從何辦乎其餘老弱殘丁或傭工以養  
 身或買賣以糊口或賃居街市或散處滿屯遷徙無常定居無所

諸如運木修橋大夫大役能一呼而即應乎甚有一丁逃避累及  
里老害及宗族者矣古云鳥驚則飛魚驚則散良民之謂乎惟  
日學艱難甘苦與共病瘡相闕故洞曉民情之疾痺熱觀時事之  
沈疴舉筆而直書焉倘軫念民艱就目前顛連之形建夾業長久  
之計以造福于良邑予其引領望之矣  
按蘇漢是荒田當除之證附注于此  
以勉多士李慶祖新刊舊志厄于火慶祖纂修之李慶祖成冊三  
楊嗣奇縣志序

傅作楫康熙三十六年知良鄉縣採訪敦詩說禮士風鼓舞縣南

普濟橋圯行人病涉作楫出橐中俸勸盧芝秀等助其不足砌以

石直接南關良鄉志

李維翰鑲黃旗人捐貢康熙三十六年良鄉教諭時縣民子弟不

急學維翰課之勤而學者苦無書採訪維翰曰是運楫而無舟惡

乎可乃出囊中貲為集巨部書二十有八列目緘之俾諸生會藝

日聚觀焉李維翰捐

藏書簡序

固安

張斐江南桐城人進士康熙三十七年由平山知縣調固安廉得  
也直實墨之勸農興學有廉能聲稱漳河同知民立碑頌德祀名

固安  
官廉志

楊秘字靜山奉天義平正黃旗人監生十九歲知陝西兩當縣丁  
父憂再補直隸固安時康熙間也故事修永定河秋汛畢工興永  
定道黃某役不平賈遲延及冬朝涉者數家秘憐之許日出役下  
鑊黃巡工遲民之來將笞督秘力爭不得直前牽其馬至東溜處  
曰公能往民亦能往此時日高春陽光熏人公重裘尙縮瑟乃責  
租肩者戴星來耶黃大恚適館張牒將劾秘會撫軍安溪李光地  
過柳家口聞之召謂曰汝年少然古之任延也勞以酒解裘衣之  
事得釋袁枚光祿寺少革陋規固安調宛平固安民以爲大戚聞



苑平吏迎驚聚而返之

聖祖獵水圍過固安老幼爭留畝

上曰別與汝固安一好官何如一女子奏曰何不別以好官與宛平耶

上大笑以爲誠許食知州俸知固安縣事

墓誌銘

四十三年以霸州

知州攝涿州事性鯁直厲廉隅明于吏治釐奸剔弊民甚德之時有永定河之役胥吏因緣爲奸秘按籍遷丁單弱者免年老瘡病勿遣以故民願趨作善政所及雖古循吏無以過之治涿一年去民立生祠

涿州吳志

秘累官湖北四川巡撫乾隆二年罷官尋遷光祿

寺少卿

墓誌銘

鄭善述字孚世侯官人舉人康熙四十六年知固安縣厲風操嚴法紀時旗丁河兵錯處凌民有與民譁于廷者據理鞭之受責者

懇賂權貴訟于部檄佗邑廉理不能移其判怨者憎服歲修永定  
河工料輒取給固安供秣稻至數十萬民苦疲敝爲陳其狀雖未  
悉除而追呼稍緩禮賢下士修志修署建倉廩百廢俱舉五十五  
年以失出放歸道旁泣者千人車不得行慰遣之

固安陳志鄭  
蕉溪先生傳

王哲輔浙江人進士乾隆初知固安縣事有廉名民或挾私妄控  
摘伏如神任數年案無積牘奸猾斂迹嘗云人心似鐵官如爐人

號之鐵匠自奉儉約每食飯一盂羹一椀出則一老馬一隸所至

隸供刀匕烙燂作餅裹胡葱啖之一日餅焦以少許進詰其故弗

之責其寬惠率如此嘗有蝗至自北禦以鎗卽去禾稼不傷

固安  
陳志

陳琮四川南部人副貢乾隆初知固安縣明于斷獄匪有號羅成

總督者拘刑之數年匪類斂跡四十八年官至永定河道

固安  
陳志

馬同書浙江慈谿人廩貢乾隆

年

知固安縣公廉明決吏不敢

欺同書故回籍而韓寨回民強悍同書懲治無所瞻徇卒于官宦

况蕭然

固安陳志

錢錫魁嘉慶二十二年知固安縣秋旱西南一帶大饑錫魁詳明

撥酒米二千石于被災村莊適中之區煮粥設廠賑之以紳士司

其事凡三閱月目擊災黎繪賑廠圖于冊而爲之說

固安陳志

郭敏學字修來廣西馬平人進士道光十九年權知固安縣事年

甫二十有八杜私謁訪利害案無留牘吏黠弗之貸老而訟者不

使之跪朔望課士謙而有禮多方鼓勵士風大振

固安陳志

張夢麟江南徐州人道光二十五年投効河工權知固安縣事民

情知之悉恤農家疾苦秋熟有因竊未訟者必懲遣之嘗云野老

絕不生事此輩敘迹則安堵矣數月去百姓思之

固安陳志

余汝修江蘇武進人咸豐庚申署永清縣事永清著名苦瘠而民

尤好訟汝修判斷明決案無留牘健訟之風爲之頓息時值海氛  
不靖京師戒嚴永清距京僅百五十里一日之間警報數至汝修  
乃倡爲團練行保甲之法辛酉補固安固安爲畿南衝要事旣煩  
劇民俗剝悍素稱難治奸民及外來游勇每結黨數十百人晝夜  
剽掠居民商旅均受其害汝修履任後卽訪拏盜首王三星夜搜  
其巢穴時盜首率衆拒捕施放洋鎗鎗彈飛落如雨汝修不爲動  
格斃從賊數名擒王三置之於法廉知本縣捕役實與盜通亟置  
是役於獄而力行團練保甲諸法並厚養壯士數十人率之巡行  
村落間或微服密訪雖親信莫知所往者嘗因偵盜遇雨避禾黍  
中衣履盡溼隨從者皆勸汝修少休汝修勿恤也以是備知盜之  
踪跡獲盜二十餘起擢知宛平是時南路之盜雖平而東路故多  
盜數西北兩路亦時有警置吏商之汝修汝修議設捕盜營規畫

營制二十餘條其法以伍人爲伍伍有長二伍爲隊設隊長領之一馬隊一步隊合爲一哨設哨長領之入哨爲一營營總一員統之軍裝器械具備操演精熟每一最要處所駐兵一哨以保衛間閭其餘次要處及大道尖宿地方亦撥馬兵一伍步兵一伍往來巡緝並製造循環木籤以護送行旅分其段落重其責成依議行之不數月畿輔一帶遂無盜丙寅授東路同知所屬七邑多患水災而三河寶坻香河三縣尤甚汝修籌辦賑務首捐廉以爲之倡存活飢民以萬計遇屬邑案有疑難輒親提勘訊多所平反時捻逆張總愚撲犯天津比連所屬之武清縣告急汝修親率民團禦賊於楊柳青賊衆數萬隔河欲渡民團見者皆有怯志汝修諭以賊不得渡無能爲害因多設疑兵以張聲勢賊果南竄光緒四年在省辦撫恤局以勞卒總督李鴻章誦恤

特加光祿卿銜

永清吳志  
參采訪冊

永清

蘭第錫山西吉州人乾隆庚午舉人二十七年知永清縣永清連年水澇饑黎無以爲生第錫牒請加賑又自爲粥于路食饑者萬千明年蝗入境躬率士民力撲之一夕蝗盡去封內草木無所犯聞者異焉有劇盜掠鄉鄙第錫聽訟偶詰得其從徒具知聚落卽夜發吏卒疾馳赴之賊負隅抗兵吏畏蕙莫敢誰何第錫奮入其穴衆踴繼之盜魁股栗悉就縛無得逸者縣多旗莊民間賃租旗地或狡桀侵擾民苦之第錫懲其豪猾帖然無犯暇則治學校課士子三十年擢大興知縣士民至今思之

永清  
周志

畢昌緒山東淄川人拔貢道光二十一年知永清縣未之官卽布衣芒屨潛訪卹落間稔民利病蒞事果斷人稱神明強梗聞風屏

氣縣城地勢汙下又當桑乾下游昌緒曰脫道河患土城得毋成  
巨浸乎爰築堤堰是年永定河決縣南數十邨罹水患炊煙多不  
繼昌緒請賑先罄橐中俸給饑黎不足則摻括衣物納質庫鵠面  
菜色至前者輒流涕溫邨之民走相謂曰父母愛我如此填溝壑  
何恨任數年民德之甚爲立去思碑

永清  
李志

延彩字紫均山西人進士道光二十五年知永清縣旱久彩下車  
卽祈雨日三皆步行故鄰封未雨縣雨獨盈尺百姓懼忙蝗親捕  
之葛袍草笠督率隴畝間民獻食率蠶糲和涼水咽遘疾卒蝗不  
爲災

永清  
李志

戴沛字心田雲南文山人舉人咸豐二年知永清縣時大兵四出  
供張絡繹沛念皖瘠不堪供億罄橐以代民累乞州縣或不勝擾  
永清作息加常催脩未嘗一至里民欣相謂曰我等擁倉箱坐視

父母傾囊橐忍乎哉于是踴躍輸償俸外尙贏倍蓰沛卻不得儲

之爲民應徭役民歌之勒碑

永清  
李志

蔣元瑞字子珍浙江餘姚人舉人咸豐七年知永清縣善理繁劇  
明聽斷培植士類七年蝗令民捕之償以資罄橐中金二千有奇  
金盡焦灼甚忽有鐵雀無慮萬餘啄蝗不爲災民德之爲作鐵雀

歌

永清  
李志

李秉鈞字衡如湖北漢陽人軍功同治七年知永清縣性果敢勇  
于任事下車卽度地勢修護城隍植以柳工甫竣而永定河決城  
賴以安鄉之災黎巢樹巔秉鈞重資募艘數百艘置食物親率以  
拯出入洪濤中幾覆者再全活無算秉鈞起家行間然重文教籌  
添書院費增義學三復建養濟置義塚地一闢武清再調薊州均  
回任十二年修永清志未成卒于官

永清  
李志



東安

陶弘才字君實浙江會稽人勇善搏受學抑損若懦夫順治五年爲東安典史遇事敢爲知縣重之秋大飢賊劉東坡恣掠渾河左右冬十月虐延東安民皆涸涸懼知縣以事赴保定賊攻城急弘才升知縣堂伐鼓集衆誓曰弘才雖下吏亦

天子所命義當死爾百姓有能殺賊者從衆皆曰公莅東安適歲祲民飢且死大尹卧病公慨然爲民狀疾苦伏撫轅三日獲請生乃公生死隨公死今日惟公命于是率軍民三百突西門出奮擊賊斬首數十生擒四以還賊轉攻且誘之戰僞北弘才追之至落堡邨西坂忽黑霧漫天咫尺兵刃不得見從者潰弘才匹馬衝突當者披靡卒被執賊見弘才義勇欲降之弘才厲聲裂眦奪刀刺賊不中殺賊數人遂自刎賊怒甚醢之懸頭于藁示城中城中人

皆震哭塞門增堞會知縣請兵至賊遁滿兵駐防始此弘才貧年三十八未娶惟一僕力不能上聞民私祀之歲莫無不泣下者至今猶道忠烈弗衰當弘才死時一少年聞之悼甚操戈往門塞不得出號呼從城上躍腸裂死

陶自新陶弘才傳

宗良潯河南榮澤人進士順治九年知東安縣有訟數年不決良

弼廉得狀立決之吏畏民懷祀名宦

東安李  
志名宦

王士美江西金谿人康熙十年知東安縣事自奉若寒素或以苞苴干痛絕之有惠政民頌之爲慈母修縣志註誤去事白補山西

聞喜知縣

東安李志參  
王士美志序

李光昭浙江山陰人監生武清縣丞乾隆八年遷知東安縣事先是五年之間易知縣凡八如宿郵舍事乃叢東安地瘠間有腴壤旗莊十之六永定河自西北逕其東南潦則田爲藪澤民益病光

昭下車搔癢櫛垢因勢利導民便之明知縣陸燧所建金臺書院  
鞠爲茂草又前知縣張拔所建義學亦日就圯光昭捐俸葺之置  
地爲膏火助十四年纂縣志告成

東安李志成參重建  
小西街義學碑

明邑紳李侃

墓人爲鑲白旗石姓罔地犁幾及堽光昭檄典史封殖其墓禁耕

侵

東安  
李志

莊鈞字振和號敦坡武進人少育于外王父劉文恪於義乾隆初  
於義修歲輔河道鈞年十九隨幕府數言水利事奇之直隸總督  
方輿能任河工者上其名補霸州州判卓異遷知東安縣既明習  
水利又長于治民有殊績而性謙謹未嘗自言河水暴出鈞乘小  
舟渡及中舟覆僕役皆溺有躍而呼者曰此吾賢父母也遽入水  
負之出官至濟南知府

張惠言濟南  
知府莊君傳

香河

呂起渭字東海遼東人順治元年知香河縣嚴明剛斷時盜賊蜂起督材官鄉兵隨機剿捕威望大著遷涇州知州累官廣平府同知

香河劉志

佟鳳彩字高岡遼東漢軍正藍旗人生員少理事內院順治二年以才知香河縣仁慈而鎮靜未嘗遣一追呼役民苦徭去其甚者與民相安行取御史累官河南巡撫卒謚勤謹

一統志

其後有劉棟

劉一珫妻調鼎工應登之倫治縣事與鳳彩相頡頏有古長吏風棟字梁選遼東人遷龍門知縣一珫遼東人卒于官調鼎浙江遂安人遷貢河工註誤降掖縣縣丞應登福建汀州人舉人引疾去

香河劉志

劉深字源長淄川人康熙甲辰進士十四年授香河知縣香河地人爲八旗屯牧其民多爲宗室個人深嚴立科條不畏強禦旗人

凜然亡飢法者縣西四十里爲河道通津會真閘作逆

朝命禁旅往討浮戈船南下深慮民失農時且不任挽送苦多方  
籌畫募市井丁壯代之爭歲而民不知役修縣志治香河三年惠  
政不可殫紀民尸祝之

帶經堂集  
八十五

通州

張斌奉天人順治三年知通州廉潔靜鎮不徇左右一語出入滅  
騎恐絲毫擾民有訟者輒化導之刑不輕用擢昌平道去之日民  
多泣下

通州  
高志

閻興邦字汝仲號梅公宣府前衛人舉人新城知縣康熙十年通  
州缺人巡撫以興邦上邵議格于例

聖祖仁皇帝特旨俞允擢知通州首務教養實心實政士民利賴  
之十三年兵道州境躬爲經理問閭無擾葺文廟修州志興廢舉

陸報最去後建生祠累官貴州巡撫

通志

于成龍字振甲奉天蓋平人陸生知樂亭縣康熙十八年擢知通州當地震後席棚以居為災黎區畫生計均賴以安重葺文廟葺宅坦者靡不整立義學擇師俾州之子弟有所造就善治獄忠信明決頑梗皆服盜藪足不入境時直隸巡撫同姓名多惠政民有前于後于百姓安居之謠二十一年遷江甯知府州人建生祠祀之歷直隸巡撫官至河道總督卒諡襄勤五十年祀名宦

通州志

天鳳重修于襄勤公祠記

襄勤唐志入名宦

傅澤洪字育菴奉天人康熙二十一年知通州公正清廉均田輕徭鋤姦決獄無少徇以誑誤去士民叩閭請留

上諭有居官賢良之樂改知澤縣去之日州士賦詩以誌其思民攀轅泣送累官揚州知府著有餘謠集

通州高志

徐人望直隸祁州人舉人康熙間通州學正性和煦如遲日春風  
課諸生切究義理爲講行文繩尺娓娓不倦多所造就好周貧士  
督舉部邑學田稅分給之已則絲毫無所取士林重之通州志  
杜鴻佩字金章山東歷城人監生康熙二十五年通州吏目有治  
才勇于任事三十二年勦噶爾丹

聖祖仁皇帝命巡撫都御史于成龍督運成龍廉知鴻佩才疏特  
薦

賜宴及文綺充運糧官饋運至二十七臺皆如期納居州尉十餘  
年盜戢民安深祕其澤凡監修學校橋梁絜已董率循聲翕然通州志

高志

王光謨字定菴奉天人廩生康熙三十一年知通州公正廉明民  
苦徭累興利除弊不遺餘力好揚孝友節義敦世勵俗有古循吏

風還江甯知府去之日士民感泣建生祠祀名宦高志

陳廷柏字新甫奉天人監生灤州州同康熙三十一年調通州州

同姓明敏善理繁劇贊輅酒鹽諸務值運役革陋規釐剔鹽弊以

廉幹稱嘗攝州事政聲卓然民皆悅服通州志

吳存禮字謙之號立奉天錦州人貢生歷廣宗清苑知縣康熙三

十五年擢知通州有守有為殫心吏治善折獄雪冤不以催科擾

興起教化明倫堂久圯首建之立義學通州志周貧士拯流離肅吏

胥施棺藥設義塚杜魯吳公政蹟碑記州志創明嘉靖間久殘缺前知州閻

興邦輯彙十三冊存禮損益之付梓治三載遷去州人士勒政蹟

碑官至江蘇巡撫祀名宦高志

新隄河南尉氏人進士官御史康熙四十年出知通州加意學校

興仁興讓俗爲之移釐姦剔弊言不稍假顏色百姓奉之如神明



歷廣西浙江學使祀名宦

通州高志

許毓芳江南宜興人副貢康熙四十二年知通州不受苞苴善政以次第舉如立留養所設義塚其存心惠愛類如此今八蜡廟中州人塑毓芳並知州王友直像祀之入名宦友直奉天人四十五

年知通州

通州高志

黃成章字子達四川綿竹人舉人

通州高志

康熙五十五年知順義縣

立學宮繕建倉廩每丁向有火耗一分成章請革永為例城西郭

地處窪下沿城周道爲水衝裂成章捐俸築高隄以障狂濶有以

賂進絕之掩骼纂縣志

順義黃志

五十八年直隸總督題補大城知縣

疏內稱其居官勤慎才猷練達

趙弘燮題補大城縣知縣疏

雍正元年擢知通

州廉潔有聲性仁厚律已廉潔切于爲民向無火耗上官檄解立

請得免州衝繁差務格釋絲毫不以擾民治獄平允務化導俗爲

之移勵士尙實學可課季考人女日起樂彰潛德每遇窮苦節  
輒親詣其門慰諭交至皆賴旌之榮康熙三十五年後名宦鄉賢  
孝子節婦爲一編修城樓新學校葺祠廟建坊表治橋梁靡廢不  
舉在任五年去之日囊橐蕭然州人如失慈父母泣送者數千人

志  
孫字簡非江南廣德州人進士湖南桃源知縣雍正元年補  
通州判雅湛經術結理壩務之暇以厚風俗勵人父爲己責者  
習孝弟忠信禮義廉恥與夫勤儉各箴申勸不倦分立家經義學  
捐俸延師俾州人子弟負笈肄業造就甚衆

通州  
育志

杜甲字補堂江南江都人貢生乾隆六年知通州洞達治體政皆  
裨民善聽訟判斷如神獄辭必手磨胥吏不敢爲姦境有積匪德  
治殆盡坐糧廳檄添油稅力請得免例禁錢販堆積役每情擾禁

絕之時山左饑流民踵至于東關蓋棚數千安插晝夜督治沿河  
書院捐俸延師助諸生膏火士林感受其惠遷東路同知歷河間  
知府州人爲建生祠高志

曹元端字侶白江南歙人舉人所至多善政乾隆三十二年擢知  
通州歲絕苞苴遇下潮輒巡拆之除積弊安善良人有夏日之異  
差務不擾用夫必重其直民樂趨事市銀輕重不均爲定官砵商  
民俱便重修文廟振興書院造就者衆留養局久地質屋苦不便  
擇地構局俾棲止三載擢南路同知尋調東路同知遷宣化知府  
通州

高天鳳字晉莊江蘇長洲人乾隆四十三年臨榆知縣捐知通州  
爲政順民情不事煩擾折獄除奸無少徇州當孔道苦差徭捐備  
官車以應雜役民稱便查學宮修州志繕帑平倉修烈婦葉氏祠

置試院器具實心實政以次舉行士民誦祀名宦

高州志

李宣範字夢村安徽宣城人供事議敘試職丞補房山縣丞調自  
南昌徙密雲縣丞地瘠歲屢旱村邊市空自免去者三令宣範狀  
厥事于大府卽以之宰是邑且賑之蘇枯賑災民以大和捐金五  
百兩建書院民慕效者七千人又建義學由是縣有鄉舉士徒知  
實砥柱四起人見蝗聚如車輪浮水東去時道光間也遷通州知  
州修文廟備祭器時訟未決者干事宜範日夜裁判以鄉村遠近  
疑傳訊日期被告在城者手書付原告呼之民感甚千總誤捕人  
宣範釋之上官曰此總督意也擅縱懼雷宣範笑曰某所畏者天  
上雷俗以上官噴爲打雷也十八年徙涿州刑威不假然人亦不  
能欺訟者或持牒遞訴隨陳利害輒釋然去是時政聲已浸淫  
上聞授松江知府宣範所至必自刻厲務有以益民于名節尤重

衛雲張生死于義成立其子于通州建閭忠烈祠修烈婦葉墓去  
 寶坻時邑人送者皆百里外通州失捕賊寶坻人購得之以報涿  
 州人感亦如是去後令者亦難為功耳董其邑士大夫言如此梅  
亮李尊村墓表 按墓表  
云于通州志補閭忠烈傳

三河

王元魁逢東蓋州人生員順治初知三河縣正疆界定版圖抑豪  
 勢去流亡摘伏如神樂周寒儒振作文風時胥吏舞法元魁廉得  
 其狀重治之士民歡呼三河陳志

成旺臣河南河內人舉人康熙二年知三河縣蒞官三年未嘗以

一役擾民訟無滯片言輒折滯泊自甘然倉儲積漸盈差務咄嗟

立辦所謂廉幹非耶邇景州知州有去思碑龍德政凡八云三河陳志

楊正中成公士臣德政碑記中州望族也幸如薦于邪磨  
命來治河邑位低之故慨然歎其德也計民貧新當孔道關而

識之者有年不謂荆榛若此鄭監門應上圖者語于衆曰國家  
興百利不如除一害蓋以利興弊將隨害除即以利民也爰詢疾  
苦孰爲亟衆謂車馬之在民者害百倍商言悚息云驛傳車馬俱  
在官奉給已久三河舉凡之地去京師僅百里胡敢偏累吾民收  
公廢民自無輟筆之苦德政一舊例社撥一役催糧謂之原善歲  
更十有八役日至其門而督之民供應不暇昔人所以有願捕蛇  
者飭令停止民無迫呼公輸更捷德政二向來收糧公耗外復有  
私加忽抽查問有增重者笞之自是親行兌閱蠲耗平收執衡者  
不得高下其手德政三兩造質成素憾差拘私禁之弊動費金帛  
痛加革除且其涇渭既分人無冤滯獄稱平允德政四日用所需時  
價公買有虧其直者重撻於市由是畏法貨殖得平德政五大軍  
運石於百餘挽車渡民皆膚冰股齒觸有聲問不以畜而以人  
工索夫百餘詁曰畜費于人乎叱夫同力抗不應車卒自行德政  
曰防水激也詰曰畜費于人乎叱夫同力抗不應車卒自行德政  
六修葺孔殿啟聖祠春秋享祀豐潔待師生以優禮德政七市屋  
之地有架滿僕者聚夥奪人物急趨匿日中幾罷市令善役巡輯  
扭責數次乃止商賈貿易得安德政八至於門盤夜禁勸農化俗  
良法難更僕數二年餘歲稔盜息舍鼓拊鑿地不患瘠民不憂貧  
差不苦衝熙熙太平景運何莫非我公深仁厚澤之所被也邑人  
士有扶杖往聽願觀化感之意爰勒諸石以誌不忘兼俟繼美之  
者觀法

任塾字鶴峯江南懷甯人進士康熙十三年知三河縣蒞政八年

月穀備賑設汛防奸舉節孝恤困窮免追呼平訟獄資貧士修學

校養人材值十八年地震之變百計撫綏民頌德弗替遷知磁州

三河陳志任

壘地震記

彭鵬字奮斯

先正事略 按事略又云號無山一號古愚三河陳志字兼山

福建莆田人 三河陳志順

治十五年舉人康熙十三年逆藩耿精忠逼受偽職椎齒臥不起

事二十四年

陳志 道古堂集

授三河知縣三河地瘠當要衝旗

民雜處

事

驛路衝疲鵬至建費宮設義學

道古堂集

置延師膳田春秋

糧未嘗設一卯比一役火耗革之陋規又革之云使民苦甯使官

苦保甲弭盜分八路十五鄉設守望樓八百

胡繼芳彭公生祠記減驛累禁

拷索詰冒充黃帶子之游棍

道古堂集

拊循釐剔不畏強禦有中夜矯

傳

內旨者延與語陰遣人發其橐得奸狀寘之法

事略

御前放鷹者至縣使索餽牽賜于庭鞭之道古每治獄發掘如神

吏民不能欺鄰邑疑獄檄往輒白冤事略杜絕請託日食鹽鹽徵存錄

有時絕糧巡撫于成龍特薦之道古二十七年

聖祖東巡駐驛三河

召問民間疾苦及在官狀

賜帑金三百

諭曰爾居官清正不愛民錢以此養爾廉勝民間數萬兩多矣明

年順天尹許三禮劾鵬獄遲玩

詔于成龍察核白其枉部議落職

詔降二級留任事略歷任一十四年道古積降十三級事略議調十議

削二

聖明洞矚皆免



命吏部郎赫申兩日馳七百里口傳

上諭詢撫臣彭鵬爲人何如居官何如居官好處是如何好九卿列薦十一人大司馬李天馥啟奏鵬名

上曰朕召見久知之於十二人中

特簡四人鵬第一邵嗣堯陸隴其趙蒼璧皆御史鵬特以給事中

用道古集將行三河民乞留有清慈仁義公明勤樸入真之狀立生

祠祀之陳志參生祠記三十九年調廣東巡撫

諭大學士等曰彭鵬人材亦甚壯健前任三河縣時但聞有賊卽

帶刀乘馬親往擒拏毫無畏懼朕深知之漢名臣傳

高蔭爵奉天人監生康熙三十三年知三河縣沈毅端方執法平

恕故事滿營俸米采之里社蔭爵慮累民毅然自辦時西征需車

亦供自囊中俸百姓若無聞者過南路同知三河陳志

熊繹祖湖北人拔貢乾隆十年知三河縣性果決多所興舉如學校公署治南大石橋俱葺之治民明察然寬恕去之日咸走送泣下至今感之

三河陳志

劉寶楠字楚楨江蘇寶應人也道光二十年進士授直隸文安知縣文安地故窪下隄堰人不修遇伏秋水旁溢爲居民害寶楠視廢隄防詢知疾苦令甲凡隄工旗丁及民均資修理如今施行而旗丁怙勢不出伙助相爲觀望寶楠執法不阿工賴以濟在縣三載無水災再補元氏咸豐元年調知三河值東省兵過境故事兵車皆出里下寶楠謂兵多差重非民所堪遣往通州雇車應差給以民價空車減半民得不擾在官衣冠樸素如諸生時勤於聽訟官文安日審結積案千四百餘事每雞初鳴燭入噉食少許興坐堂皇兩造既備當時研鞠事無鉅細均令具結口授結狀或予紙

筆富堂收結母許吏胥撓言凡涉親故族屬訟者諭以睦鄰聚令  
解釋訟獄既簡吏多去籍歸耕曹舍晝閑於是遠近歛然著循良  
稱五年九月卒于官先沒七日自譔墓志祀先正祠所著書甚夥  
有文安隄工錄六卷

戴望刻  
君事狀

武清

董起運陝西乾州人舉人順治十年知武清縣息民困培學校刑

不輕用蒞事五載致仕歸囊空如洗士民感德泣下

武清  
吳志

程上瑞陝西鳳翔人恩貢康熙元年知武清縣廉且清革羨耗旱

步禱甘霖立沛蒞任五載遷戶部主事

武清  
吳志

鄧欽祿廣西全州人舉人康熙十年知武清縣廉明慈愛緩徵均  
徭獄訟衰息蝗蝻生將害稼欽禱步禱蝗不爲災盜案註誤解任

族居蕭然士民感泣

武清  
吳志

祖應世字夢巖奉天甯遠人監生康熙二十二年知武清縣性公  
且廉有惠政興學校減徭役以強項降調士民思之爲立祠二十  
九年巡撫于成龍察應世功在武清民籲保題復任三十五年以  
治行調大城三十八年調固安明年知通州武清吳志參趙珣祖  
公生祠碑銘李遠呂  
來亭詞陳億  
瘦槐哥記

章曾印字宸書歲貢浙江會稽人康熙三十六年知武清縣才練  
識明下車卽剔積弊如蠲耗羨覈驛騎陳馬廩剝船其彰彰者所  
與則築隄建解延社師尤重學宮去之日尙分囊中俸交攝學務  
通州學政耿漢繕厥未逮先是水旱頻仍鵠面者相望出已資倡  
賑設粥于路存活無慮數萬以事降百姓如失怙特迎

蹕保留

報可以觀去民立去思碑

武清吳志  
參去思碑

胡紹安浙江平湖人進士康熙四十六年知武清縣有德政初糧

船轉輸派置剝船免糧無幾而民累甚紹安痛陳其弊絕苞苴撫

流離息爭訟修學宮建八蜡廟民判于今樂道之祀名宦武清吳

紹安痛陳剝船苦情詳文為奏宣

聖恩憲德之深備陳剝船

地戶之苦知選鑒照承荷安全事竊照順治初年因念每歲糧船

轉輸恐有淺阻於順天府屬之永東香及通武賢就近六州縣僉

派紅剝船六百隻每船各准免地糧十頃以供剝運之費立法之

意未嘗不欲軍民兩便也無如所免之糧額有限剝運之賠累無

窮其間僱覓船戶盜糧棄船一惟地主是問因而追提敲扑中人

之產年耗於賠償詩禮之家盡陷於糶糴此種情形纂入縣志咸

熙九年間科臣趙之符有疏陳近畿剝船之累等事一疏條奏不

便於民者入原疏悉部議不行至康熙三十九年蒙倉場總督

石為請更剝運之例以恤軍民事一疏奉旨該復將剝

船停髮原地陞糧小民得豁五十餘年之積累無不成慶更生正

在感思戴德未免痛定思痛何期意外追呼又復接踵而至如奉

文陵增科則地前照原額免糧今照原額陞補全書開載原難異

同祇因一應文案久經減不能備細登答然就今部文但以俱

降剝船地畝何得又有每畝徵糧八釐之地殊不知應船之戶止

有此輕糧下地焉能必其盡一且當日愚民無知見糧輕地瘠出

息無多惟喜免糧罔知船費其歷年之苦甚於別船今復責其加

料則其苦更不可勝言矣此加增科則之難實為累民者一如奉

文判船變價也當日僉派制船原照地畝承應焉有底船可變今  
部驗以漕運議單內有紅剝船每隻原定料價銀八十五兩我  
此數行迫殊不知此項剝船乃地戶僱覓似與漕運議單無涉况  
大凡船隻即發帑成造而三年小修五年大修十年拆造而歷今  
變原造之價而此項剝船誰為小修大修拆造而歷今五十餘年  
尙存底船可變乎是即使官造已不可問何况向係民保乎今雖  
會報每隻用銀十兩而各船地戶零星散處問一到官亦無可  
如何部司司庫銀兩亦惟有觀相承而已及至勅令指節力不能辦  
地司書賣家領堪此則船隻價之逆實為累民者二如奉文查  
撥給庄頭小民有失業之苦憲臺原詳其明院意題覆倍切今  
准託又查看而此項地畝或有數十戶奏成十頃者有轉售與人  
以脫卸船累者有子孫相傳分售者有展轉脫散者無著落者且  
俱零星殘破即同存一二頃同一地名仍多間雜他人地畝或虛  
或棄或三丘五段多至一二頃同一地名仍多間雜他人地畝或虛  
主種非一家焉有一片成頃之好地可立屯莊之處况民間查地  
羣為失業流離奔走家資蕩絕無虛日惟向卑職泣訴前情以為民  
等累有之地因制船免罹苦累五十餘載今反因此加科又迫船  
價且將割去原業何處安身是受苦於承應剝船之時既久而受  
累於停廢剝船之後更慘矣此查地後止之應雖未確實已為民  
累者三卑職到任奉行幾及一載以上三累雖俱分頭細查分案  
報覆然以六州縣相同而卑職又以後來未吏何敢妄為率實今  
見各地戶如此情形而而卑職又以後來未吏何敢妄為率實今  
院憲題請民地歸民之德民勿知也即卑職一告諸諭以

自官思德民勿信也是上不能宣布德意下不能通達民隱昔  
以平賦不言為罪矣更有若者武邑民地旗固已去八九止存一  
二分為旗所棄之者皆地畝而復為剝船所苦且船地雖有六處  
而武邑偏多至二百三十八隻較之五州縣而武邑已居其四別  
邑每船十頃俱係大地武清俱係小地又止三分之一是派船獨  
多免糧獨少苦中之苦備詳邑乘無怪乎數千戶民人怨慕泣訴  
有不遑朝夕之勢也伏聞憲臺院憲愛民極其深切歉收則  
閱倉煮賑微銅則賑富恤貧舊道緩徵新糧撥墊無不一疏再疏  
推恩保赤昔朝拜委幸夕奉諭旨明良遇合千載一時况  
此船地難末久在憲臺洞照之中者乎今卑職除加增料則另備  
次册申送外其剝船復價實難定解伏思朝廷額賦動輒百萬  
萬諒此五六千兩無船之價豈堪因此窮黎尙邀憲恩轉詳院憲  
次第入告猶可冀望豁免獨此查地設莊之處於地戶最為隱憂  
最為迫切仰祈憲臺重鑒與情特疏再請得蒙浩蕩之皇仁  
俯恤窮黎之痛苦永歸民業咸獲甯居非懇批示慰諭俾各安心  
耕鑿勿事憂得則民心愛戴倍仰始終再造之洪恩於生生世世  
矣

陳惕字廷敬浙江山陰人監生乾隆元年知武清縣初河工秫稽  
歸時采之村落差至如虎弊賈乃滋窮黎且有熬秣稽求免累者惕  
備陳厥狀請先發價買交之工王慶坨營近三角泥萑有易為患

立哨船衛民也船毀借自民遂成例如役船繼役民前知縣章曾  
印量工給食困稍甦後集資造哨船如初都司陳元彬詳剔前弊  
惕恐久後累民永革之裁里書汰幫貼民稱便云

武清吳志參陳  
惕備陳採辦稅

稽累民詳交曹傳王  
慶城營豁免民歸記

吳狃江蘇如皋人拔貢乾隆四年爲永清縣先是夏初輒派民夫  
預守永定河隄白露爲期狃上議曰夏汛正值農忙勒令坐待未必  
然之水勢是驅力作之身處閒散之地其不便一丁壯既拋田勢  
必傭工代作其不便二夏秋株守必備俱役之費殫民力幾何堪  
此苦累其不便三然置水害于不問乎是又不然永定河兵六百  
乾隆三年倍其數汛期官弁董兵分段防守不爲不周矣况附隄  
之民更可響應哉爲民請命請飭立案蝗力捕之不爲災建八蜡  
廟七年修縣志

武清吳志參吳狃請免永定河  
派累民夫議建八蜡廟碑記



李騰蛟字鼎北號辛峯山西芮城人乾隆辛丑進士知任縣采訪改

任武清河流漲溢浸五百餘村騰蛟晝夜焦勞五閱月衣不解帶

檢災必親往發粟必親監督役無所用其技民以大甯武清背海

面河鹽泉強悍多為患閭里故號繁劇例以練達能吏調治斯土

然能吏老於世事每以安靜自全恐激而生擾弗治也至其蠶食

鄰封猶秦人視越人矣騰蛟戢之嚴桀黠皆斂手有巨盜李甲作

姦於甯河竄伏於武清伍伯懾不敢捕騰蛟廉得其實親率數十

役夜入其窟竟弭耳就繫四境以安非定識定力弗能也遷楊村

管河通判歷官遵化直隸州知州紀昀鼎北李公墓表

朱杰嘉慶年知武清縣多惠政六年大水逾城堞災黎集高阜樹

顛杰遽發倉穀食之艤舟增堞縋而下出入恣濤全活無算以事

降調去民詣上官泣留武清采訪冊

劉體仁字樂山四川人嘉慶辛未進士庶吉士改官知懷柔縣調武清訪民疾苦請減鄧莊東沽港諸邨地租二千有奇定爲例積欠逾二萬悉免之孝里村寺僧巨猾也擁厚資起厝樓恣爲不法無敢問者仁置之法籍其產收毀存之義倉修文廟拓書院立學田士民歌之衷爲集著曰雍陽頌聲

采訪冊

呂詔安字伯口安徽人舉人知武清縣旱祈雨不應遽報災請蠲罄糴以賑時有富者搆訟欲因其拮据動以重賄詔安痛絕之去之日民泣下

采訪冊

胡啟文字隨季河南人進士知武清縣時盜風熾啟文夜巡廉僻弗至捕則以身先之縣被水啟文單騎襄餽遍撫村落渴汲水飲民烹茶進弗受也髮匪時据靜海大兵往來縣境啟文罄囊爲供億練團練嚴保甲詰閒牒士民安之調知大興縣父老有哭失聲

者朱訪

寶坻

薛良心遼東人順治元年授寶坻知縣時百姓轉徙境內一空良

心勞來安集之每諭民父詔兄勉其敦政以寬為本曰元氣未易

復也百姓僉曰薛公生我明年政最拙蘇州同知寶坻洪志名宦

孫必茂陝西人順治初延訪人材陝撫以必茂應三年知寶坻縣

前知縣薛良心擢去民若有失慮無繼者及必茂至寬大一如良

心民大悅必茂曰薛伯不可易也惟民未知禮當導以學每朔望

集衆申訓之聽者歡忭及期擢衡州府同知寶坻洪志名宦

萬全字明字旗人選貢寶坻洪志廉且謹杜立德萬初寶坻令薛孫相

繼以養以教有起色然薛任二年孫一年耳順治四年間代者旗

人民恐旗丁有所左袒臥不貼席全至開誠一無偏徇民乃服全

醇厚廉謹不欲民有訟每兩造對簿輒反覆論不聽則涕泣

法者亦惻然恤治數年勸農桑興禮讓遷御史邑人懷之建生祠

官至雲南布政

寶坻洪志

毋鶴慶天津人歲貢順治四年寶坻訓導時知縣萬全方拊循士民鶴慶復多方以訓風教始此學宮圯人鶴慶葺之轉教諭遷知

金鄉縣

寶坻洪志

蕭蕙大湖人歲貢順治十年知寶坻縣事簡靜不煩猾吏以其長者稍稍易之蕙廉得其舞文狀置諸法遇縉紳溫溫謙退或以私干必力抑之由是奔競路絕邑有工部地窪而腴數百家恃隄以障隄壞紳杜立德倡修蕙大發夫助之數十年不潰引疾歸民情焉

寶坻洪志名宦參大學士杜立德工部地修隄記

路坦三韓人監生康熙中知寶坻縣

寶坻洪志

不煩不擾興利除害

革巡

夫立義學坦有義革巡夫坦革巡夫說曰余令寶坻四載知邑之  
說工商各肆其業無不相踣梗焉雖不敢云鳴琴雅化亦可謂不煩不  
擾成安于無事之天者也問嘗得書之暇靜坐以思與一利不知  
除一害然而除一害又欲其盡必使根株悉拔不致復滋始快意  
焉即如寶邑守夜巡城之夫力役雖微酸害甚大遇查舊志原無  
此例起自康熙七年洪永街類城垣缺陷居多相議暫借民夫以  
供巡守孰知以一時權宜遂成莫挽之害且以寶邑煙戶不過千  
家而費不自給青十之八九五日一輪已難支應加之保甲撥派  
不無借端挪移希圖周利之弊笑矣子道悅首就役其敢辭勞其  
苦甯有底止者哉以故閭閻士庶公呈在案咸稱舊有營丁嚴守  
門禁以防奸宄夜有民壯遊巡城池以司更漏各食工食糧餉正  
所以衛民也今乃役及煙戶實所以擾民余目擊其弊出示禁革  
無為來年之待革相慶曰吾儕小民今始得安枕席矣雖然除之  
一時倘船久而薪役奸保欲圖犯戾復蹈前轍害又將作邑紳士  
議欲杜其患乃請余文以誌之時有鄉長胡際陸即協工立石永  
為禁革以告後人夫亦除害務盡之義云爾

別榻景陵人進士康熙二十年知寶坻縣廉靜慈愛至性化人每  
斷獄登堂陳說多泣謝去後民有忿爭其長老輒止之曰奈何負

別侯歸義百姓攀轅

寶坻  
洪志

程璇字楚峯益陽人舉人康熙戊戌知寶坻縣事才識明敏有利必興縣濱海每伏汛卽成巨浸己亥夏大水

詔賑璇絕不假手吏胥按戶親給民以安堵魯沽長亭二莊有水溝與河潮相吐納璇請改涵洞爲石閘以便漚洩上官以費多弗許璇輒舉行被詰侃侃爭之卒由京東局報銷禾稼不淹居民樂業思爲久遠計會去不果雍正丙午

上念畿東苦淹

命度機宜有薦璇諳水利者卽以寶坻隄務委之起三河新集料馬莊至寶坻江涇口次潞鮑邱窩頭河二道以洩竟水塞香河縣七里莊明口工成以知府留工視工凡六年鬚髮盡白去猶惓惓善後計著渠陽水利一書讀者咸泣

寶坻洪志名宦參程璇申報魯沽閘開工完竣議按康

熙戊戌爲五十七年

伍澤榮字蔭遠祁陽人雍正丁未進士辛亥知寶坻縣事性耿介不隨俗俯仰顧存心利濟惻如也程璇以渠陽水利說示之澤榮曰善後當如是矣一如璇言新河未濬捐費治之遵

旨察賑無一漏及期竟內乂安平獄訟緩催科請免剝運船底變價振興文教省俸製學廟祭器聚才雋課之念志久不修纂未定以亢直罷人咸惜之泣送者相望至今猶歌思之

寶坻洪志名宦參甯河關志伍

澤榮請免剝運船底變價議按議詳漕運

洪肇楸字時懋江南歙縣人儀徵籍進士乾隆四年署寶坻事縣號難治肇楸下車興廢舉墜明年署甯河治如寶坻愛民恤士北門孔道故有橋圯治東有東窩渡要津也亦壞肇楸至卽新之自爲記民歌慈母又明年仍調寶坻邑苦窪東海西河肇楸度水利加築隄埵悉出俸不費民一緡城渠亦久湮濬之修橋梁暇集博

士弟子員課藝修文廟備祭器立社學繕墻堡復井泉修縣志實

心實政利興弊除有古循吏風

寶坻洪志參甯河開志名宦周長發洪侯德政碑王詢文閣社學引

顧光河北寺甘泉井記洪筆琳疏潛城河神記修甯河縣北門橋東窩渡記

楊瑛昶字印選又字米人安徽桐城人監生雄縣丞乾隆四十九

年署永清縣事□□年真授寶坻攝三河嘉慶四年六月署薊州

七月去擢北運河同知遷天津運同其在寶坻人文寥落鄉試榜

出往往無名瑛昶至勸修書院親課之五年中中式八人邑中詫

爲僅事遇蠲孽生以斗米易斗蝗米盡按市價給錢代之在運河

河水決搶修應時事豫而立故同時南北兩岸丞倅多被劾瑛昶

獨得免所著有都門竹枝詞

趙懷玉亦有生齋集十四

甯河

楊奇昌四川廣安州人領康熙乙酉鄉薦雍正九年知甯河縣事



甯河之令始此書役募自鄉氓不解任事奇昌教督之粗識規模  
曰此已足矣吏胥不必才能凡舞文枉法蒙上凌下皆若輩爲之  
也一切治尚寬厚每念一開其端後將踵而甚之故慎之又慎黜

浮蠹崇儉樸民到于今猶思其風教弗忘

甯河  
閭志

沈濬字巨川貴州黃平州人康熙庚子舉人雍正十一年知甯河

縣事性清樸政簡刑清縣自九年析置始治者楊奇昌逾歲憂去

艸創未備濬適繼之力董厥事凡文武官廨監廩罔弗以次舉學

宮尤亟亟

甯河  
閭志

時頻罹水患十二年

采訪  
冊

春濬以工代賑爰作學

宮度廣袤奠基址購材運甃工倍其儲底績于成

沈濬建學  
宮碑記

課士

文親甲乙之士爭濯磨繇是文風漸振縣固澤國濬曰水利可由

人力迺令浚溝壑堰引水灌園民享其利至今稱沈公溝以鹽案

謫舉邑如失怙恃送者輒涕下二十餘里絡繹不絕

甯河閭志名  
宦參采訪冊

屠祖資

河志

字卜百一字杏村

屠氏家譜

湖北孝感人乾隆己未進士

十五年授甯河知縣明年之官性廉靜然苟利士民輒勇爲之學

宮圯分囊中俸倡葺之

采訪冊

期望集諸生教以孝弟禮讓與夫讀

書之方

開志

如張以智于際盛之孝行孫唐氏袁徐氏之節義皆手

書榜額獎其門一時士習民風胥化于淳

請

縣地窪瀕海水漲輒

淹田禾爲居民病前令沈濬開渠祖資踵之盡勤勞奏效

關志

民乃

不苦潦視其荒地可耕者募閒墾給籽種逾年成膏腴墾課額裕

民食亦稍足

請

嘗出俸鳩工濬河丁男一無徵

關志

又修潘莊石橋

厥後稱屠公橋

屠祖資修潘莊石橋記

蝗督莊戶自撲胥役罔或擾初縣遭

水患前令未報祖資下車訪民疾苦見食艸根木皮喟然歎息上

其狀大吏以報踰期難之復懷民所食泣以陳

關志

十八年調長垣

擢安徽安慶府通判

請

按道光中祖資曾舉名宦于長垣時因其孫之申布政直隸格于例甯河關志列之

名宦

任西華山西汾陽人雍正乙卯舉人乾隆十八年知甯河縣事環

縣治皆河也特以衛然修城難柵橋各四傾且圯西華受事之明

年易柵以木橋亦次第葺之十月引疾去

甯河丁志參方澄重修西城樓外橋梁碑記

謝洪恩字萊玉歙縣人乾隆二十三年八月知甯河縣勤撫字省

催科借籽種平米價通溝洫

甯河丁志參劉毓珍重建甯河縣學宮謝公德教碑

蘆臺為薊

之運河所經水閘數十丈向設舟冬則行冰上有顛仆苦洪恩與

巡檢葛立經熟計之捐彙中俸令葛董其事構巨材為板三十二

鐵麻綿亘若浮梁然冰泮撤貯巡檢所歲修之則邑宰捐資不費

民財

謝洪恩蘆臺跨河跳板碑記

學宮圯洪恩捐俸金百兩士慕義輸者絡繹

修殿廡及名宦鄉賢祠

謝洪恩重修學宮碑

于櫺星門東西增建忠義節孝

祠二

謝洪恩建忠義節孝祠碑記

又建義路禮門兩坊

謝洪恩重修學宮碑

工既竣餘銀

一百有五十兩權子母爲歲修費謝世思學宮善後碑記 徒步禱雨立應懸

金捕蝗

德教碑

二十六年丁繼母憂去縣人爲立德教碑立經江蘇

崑山人二十一年十月之官二十七年九月遷東安主簿

甯河丁志

李清彥冀州棗強人廩貢乾隆二十五年甯河教諭受事卽於學校三致意月集諸生會文於學署供其飲饌正其紕謬有可取則獎誘備至視塾師之誨弟子不啻過之二十六年縣大水奉檄歷村落勘戶口罔有或遺親散賑票不假手胥役其饑甚者復出已資助之士有單寒周急無吝色援例遷知縣士至今歌思弗置言縣之師範者清彥其首云

甯河關志

王朝渠江西萬年人乾隆己亥舉人嘉慶十七年知甯河縣事性樸厚以興文教爲先下車卽課士時書院廢以朝陽寺北閣爲文場每課具士子一日之饌禁出入文佳則重獎之否則是正之由

是文風蒸蒸脫穎者踵相接時以所著十三經拾遺唐石經考與  
傳者折衷焉又著有艾學問談需次燕語二十年去士攀泣送者  
數十里

甯河  
丁志

俞諒浙江仁和人乾隆丙午舉人道光元年十二月知甯河縣四  
年飛蝗蔽日所過田禾一空諒集民督捕愈捕愈衆諒引咎禱于  
劉將軍廟爲民請命詰旦有雀如雪啄食蝗一二日蝗盡是年有

秋十二月去

甯河  
丁志

周震青廣西臨桂人嘉慶庚辰舉人道光十三年二月知甯河縣  
事縣學宮地濱河風烈土且斥鹵不修者七十餘年震青下車卽  
欲舉墜時歲歉方孜孜焉籌賑緩徵明年乃出橐中俸倡勸十六  
年興修之泮橋增二爲三廊廡營舍固不備十月去

甯河丁志參  
震青重修文

廟  
記

王蘭桂陝西中部人拔貢道光十九年七月知甯河縣事興廢舉  
垂愛民恤士縣試嚴移夾帶招覆至于九正案錄十二名謂諸童  
曰學額十一撥府一數適符待督學使試後汝等當信老眼不花  
也果無一違其公正精詳類如此二十一年去

甯河丁志  
參采詩冊

喬邦哲字海泉山西徐溝人道光二十四年五月知甯河縣議大  
造先猛後寬法立恩明百姓畏而愛之縣地窪類患水邦哲謂水  
能爲害亦能爲利勸民種植造水車式二十六年去民惜其用未  
竟然稍用始於邦哲至今嘖嘖稱遺愛云

甯河  
丁志

張昭字曉崖貴陽縣陽人咸豐癸丑進士五年三月知甯河縣事  
凡四載有政聲蝗輒自襄縣鳳村落督民捕之不以改授明年春  
預買紅糧士民能捕輸者以糧易之會文課士八年去至今頌

聲不絕

甯河丁志參采訪冊  
按丁志  
云己卯莊斯士已乃乙之譌

昌平

趙三長

昌平志

字遷如江南人

徐化成趙君去思碑記

貢生康熙三年

昌平志

令

山西拱洞遷守昌平釐奸剔弊如撥補民地前此歲率官徵飲食  
薪芻取給不貲茲冒罔恤三長廉其狀申請永禁遠近便之修學  
宮申孝義敦詩書抑豪右力役煩興乃勸墾荒蕪往來供頓率  
嗟取辦地易聚逋以保釐爲綜察伍軌什連民獲安堵報牒求直  
者無不片言剖碑記

汪錫齡江南江都人貢生康熙四十六年知昌平州

昌平志

昌平衛

要差過向借民間車馬蠶役舞弊用一取十平時假事勒索故貨  
不入城市肆蕭然署中費又取之民城東有山東竄匪結黨索詐  
焚屋移尸以此破家者不少錫齡以法繩之官託歲取羊毛亦爲  
民累錫齡陳利害四十七年之費省十之七有以上聞者奉

旨革未及三年註誤去官州家祀之五十年復官婦孺迎道八閭

月遷部郎去

昌平吳志

順義

楊采四川高縣人進士康熙三十九年知順義縣蒞事協民因犯越獄部議革職直隸巡撫疏請留任

報可縣額徵丁門錢糧各有添徵火耗不等地糧五百零四兩案

爲革去歷官十有七載士民愛戴謂江南吳縣

順義黃志參直隸巡撫題留賢令楊

疏案

密雲

劉應奇

密雲志

字平六順治十七年知密雲縣學歷百有餘年且

就地應奇任甫市月身任其事三閱月而成勸植秀良課

桑除螟螣

據袁懋功重修儒學記



陳士銓浙江山陰人康熙三十五年知密雲縣戶口久未編審死  
且徙者三千有奇而丁徭如故額民苦之士銓力請之置吏得據  
存口徵古北口石匣既置總兵副將益兵額二千部議歲令知縣  
由縣採買兵米運之營士銓極陳挽輸之累內務府耶中鄧光乾  
亦言之乃止

密雲  
縣志

薛天培字子因雲南建水人康熙乙未進士五十七年知密雲縣  
葉訪冊按密雲丁志云雍正乙未進士非也雍正故事羅倉殺  
無乙未天培元年即兼攝懷柔其爲康熙乙未無疑以銀解部淨費銀且數百悉取之民天培下車道羅銀存五千九  
百兩有奇部促解民以爲憂乃瀝陳盡吏請抵支古北口駐防兵  
餉六十年有紳額參董石匣城工所需料未集工吳有德等三人  
有所恃肆辱之窘其額參故吏部郎大以爲恥懷狀緘天培按其  
事同官以牽涉大吏欲寢之執不可成三人者如律出臺中俸置

縣城古北口石匣城之義學凡三延老師宿儒教之期望課士手  
自評定民始興學其俗婚姻輒中變天培縣爲厲禁有愆期者濟  
其貧遇大役及軍糧倉儲身任之不以累民雖不貲弗顧也雍正  
元年夏秋間兼攝懷柔縣事蠅生捕益滋乃自責禱于八蜡廟兩  
縣之蠅盡抱禾死父老傳爲異事密雲丁志  
參采訪冊是年得邑人郭應儒

志鈔遂修縣志

據薛志  
自序

懷柔縣

徐袞字魯榮江南淮安人進士康熙十二年知懷柔縣受事四載  
澹如也慈而能斷錢糧寬徵不恃鞭扑聽訟輒勸之息課士有方  
分彙中俸倡修城垣不憚拮据心力交盡以勞卒百姓思其遺愛  
爲立碑謂碑或邀譽今死而立蓋深仁厚澤民不能忘云

懷柔吳  
志參杜

魁學徐公  
道愛碑

陳儻儀字夏穀雍正庚戌進士知安肅縣乾隆□□年補懷柔中  
間以母憂去前後在任纔三年然其去懷柔調密雲懷柔人巷哭  
而密雲人相慶于道蓋二邑犬牙相錯彼有所聞見以信之其素  
故也縣多旗莊侵疆影射訴牒如蝟儻儀聽之無壅情兩造稱便  
任密雲五年以他故去職厯官鳳陽懷甯黔縣

紫竹山房  
文集十七

涿州

楊瑜顯字公潤山西人隸旗籍順治間知涿州外寬內明令行化  
洽民稱慈父蝗瑜顯曰蝗不捕傷稼捕則供億繁田禾蹂躪益爲  
民害昔梁蕭修爲涼秦二州刺史親至田所深自咎責忽有飛鳥  
蔽日至瞬息間食蝗遂盡今蝗亦長民者不德所致非以誠弭不  
可乃別寢處潔衣冠自責如蕭修衆見神雀逐蝗去吏民爭頌德  
瑜顯止之曰朝廷以百里界我四境內不治我責也我盡我職何

德之有未幾去任貧無以爲家偕其弟居涿喪殯日不給嘗慷慨  
謂弟曰昔朱邑嘗爲桐鄉嗇夫將死囑其子葬桐鄉今我與若如  
此欲涿人之爲桐鄉民能乎哉相與泣下聞者莫不隕涕卒弟亦  
歿吏民營葬於南關之野以時祭掃至今父老猶稱其遺愛弗衰  
涿州吳志 又云瑜  
顯弟名不傳嗣無考

李成龍奉天人康熙三十三年知涿州事時吏治旣清或又務爲  
刻核成龍明慎寬和不爲赫赫名輕徭緩徵有古循吏風遷太原  
知府累官至尙書涿州  
吳志

顧欽吳江人康熙五十三年知涿州課士首彝常訟勸之息偶用  
刑輒惻然曰吾無德化也在任十年無廢事左遷去人共惜之涿  
州

彭人供安邑人進士雍正六年以易州牧攝知涿州事有哀六者

謀殺某婦前牧不能窮其狀侯夜詣城隍廟鞠之曰城隍神已告

我矣爾看爾身後某婦在也袁惶怖服罪

涿州吳志

黃理中卽墨人舉人雍正八年新城令署涿州事在任四載修學

宮建忠孝節義祠旱祈雨無應理中脫帽赤腳詣城隍曰爾亦冥

寬中一知州也今民苦旱何賴神爲取銀鐺繫其項與已對繫之

暴於日中天雨隨至民有嫌壻貧悔婚者訴前不省理中爲其壻

備衣釧奩飾鼓樂悉具召某曰爾壻殊不貧遣吏送之其女歸逆

借老焉

涿州吳志

許自召款人雍正十三年知涿州有長厚稱州城內外舊有官地

百姓置屋率出租爲四糧費自召曰何苦吾民居舍也自置地充

之民租免

涿州吳志

方嶠桐城人乾隆元年同知涿州事三年夏大水暴至不及堞者

數尺帑盡力以救漂沒賑災黎活人甚多

涿州吳志

張德榮湖廣澧州人監生乾隆二年知涿州性仁恕捐俸立義學

修鎮子營開士庶稱述之倉儲收納舊有陋規德榮悉革之加意

窮黎冬施粥至今以爲例罷職旋卒百姓哭之累日

涿州吳志

陳志緯字左民海鹽人監生乾隆二十年爲涿州判官累已奉公

牝牛河環州治有引水洩水各溝歲時閒濬其責也志緯身先之

不辭勞瘁設渠長募民夫按籍均役胥吏不得上下其手蒞官十

載以勤慎著

涿州吳志

吳山鳳字翥堂湖北漢陽人乾隆二十八年知涿州事孜孜民莫

州西爲巨馬河上游西曠橫溪時決汎濫靡歸山鳳度厥形勢分

俸築隄導之由房樹村西北流水若其性西北諸村永絕水患里

人爲記樹碑修州志時三十年

涿州續志

劉浩山西吉州人拔貢嘉慶三年知涿州以慈祥稱六月水災撫  
殘黎全活者眾累署東路同知去民思之久愈不忘

涿州  
續志

林靖光福建侯官人舉人道光九年山大興知縣知涿州事聽斷無

留牘獎誘士子如恐不及

涿州  
續志

謂書院而外應置義學以育童蒙

苦無貲適分彙中俸作師弟子膏火調開州猶給之如在涿州時

采訪  
冊

後以差至涿州民爭先赴役遺愛在人如此士民祀之書院

涿州  
續志

房山

婁應奎字射斗遼東甯遠人順治丁亥知房山縣事縣田少腴籍  
撥稅誦民稱貸艱應奎申文輕賦平九則以三等山田蕪廢勘除  
之驛馬爲民重累畜之廢兵殘虛版籍應奎裁之曰他日司農核  
籍或少緩一二也西山號盜藪乃修墩隍儲糗補簡健卒嚴保甲

清街巷四境無盜踪興學省刑未嘗露穎疆禦迫之不動仁智勇廉民兼稱之以卓異遷陝西漢羌兵備累官浙江督糧道

房山修志參楊

之炳妻公  
德政碑

佟有年字平六遼東甯遠人拔貢康熙二年知房山縣性廉靜然才識敏練戴星出入百廢咸舉修學宮葺公廨嚴保甲繕城池革火耗捕匪亡振刷有爲不畏權勢未期治行丕著以暇編縣志

房山縣重修學  
志參田麟房山縣志序

羅在公四川營山人舉人康熙三十年知房山縣事縣土磽薄又強半爲采地在公撫字寓催科中向解蘆溝餉在公請免民力得寬義河厥錢糧里胥侵漁廉知之單騎令親納編審人丁七年之中謀農捕蝗修署修韓河邨橋禁革羊耳峪范家山煤窑長于剖決敦崇孝行雅意作人

房山羅志參王毓秀羅侯實政碑記李克  
家羅侯修署碑記羅在公續志序 羅志



又云韓邨河橋圯每年工部大車過撥運不堪在公募修石橋民困斯除羊耳峪范家山煤窰從旗棍攘利爭奪託告不休地方受累在公  
申禁  
流寓官裔殷景隆幼時被掠賣為瀋陽鄧包天家奴在公

置掠賣人于法景隆得復民籍唐賈島墓縣舊志云在縣西南在公訪之不得越五載以事至琉璃河歸道二站村見殘碣高三尺餘篆額為唐賈島墓蓋縣東南也其地為旗人侵據久在公為復地六畝建祠又鈎稽故地二十有五畝為祠墓資  
房山志  
遷主事訪冊

張汝弼字丹亭雲南劍川州人進士咸豐二年知房山縣絜己愛民事無鉅細苟便于民急圖之初道光五年權知縣事李口倡義重修縣城工甫興解任咸豐元年重權縣事續工未竟又去至是汝弼惜城工中止率好義者鳩工未逾年而工成李口字少伯  
房山志

參劉權重修  
房山縣城碑記

高驥雲字逸颿浙江山陰人舉人知大城縣有善政咸豐元年歷

署密雲薊州采訪冊三年署良鄉六年署房山知縣重士愛民房山西

北山民僻居不知誦讀驥雲下車單騎往集父老從容諭之人樂

其教咸豐七年蝗驥雲晝夜督捕露宿風餐憂形於色出千金爲

費宦囊爲之罄不惜也及去邑人思之不置又歷知保定懷柔諸

縣事治如房山後居房山疾卒貧至不能葬賴親故邑人資之始

成喪葬之南上洛村驥雲性耽書雖鞅掌風塵偶暇則覽不停手

云房山  
王志

薊州

祖延泰奉天人知薊州薊州周志先是凡

壇

廟大役兵弁支米及解部貼費俱派民間畿輔唐志雜費多于正額延

秦盡爲革除大兵北征騾車等需悉以已資辦不以煩民民至今

懷之祀名宦

一統志五

韓因瓚廣甯人舉人乾隆二年知固安縣有政聲五年知霸州累

已愛民案無留牘釐剔弊竇吏畏民安修先農等祠詎誤被議去

村民數百詣上官乞留日餉米薪立去思碑

霸州周志

盧奎山西永濟人進士嘉慶二十三年知霸州事居官儉潔已愛

民霸州周志故事州貢鳴民苦厥累奎捐銀二千兩生息以爲之費梁訪

冊遷順天府治中去之日囊橐蕭然有古廉吏風

霸州周志

姬均河南夏邑人貢生道光十一年知霸州下車卽清積贖汰陋

規救偏留置義倉輕徭省役儉以養廉築六郎中亭河等隄堅固

高厚數十年無水患百姓利賴至今思之

霸州周志

楊應枚雲南寶甯人舉人咸豐三年權知霸州州境有積年巨盜

向莫能捕應枚擒之置之法人心帖然

霸州志

宋維光山西汾陽人貢生同治元年知薊州

采訪冊

六年署霸州知

州時州境戒嚴維光率兵勇擊賊城賴以安

霸州志

文安

秦世禎濟陽人貢士順治三年知文安縣英斷有爲水汎隄潰世

禎防護有方

文安楊志 裁輔志禎作正

審戶額數有虧請節除

畿輔志 六十八

興

學校理冤抑行取四川道監察御史民建生祠立去思碑官至江

南操江巡撫都御史

楊志

郝詔遼東人順治五年知文安縣六年浞賊蜂起環城而攻詔親

冒矢石卒保無虞巡撫疏薦之時守城與有功者有典史魯含章

含章山西人五年之官

文安楊志

韓文陝西富平人舉人順治十年知文安縣時畿南大水縣當最

下湮沒尤甚文捐貲易粟以賑築河隄賊發親率鄉兵捕誅渠魁縣竟旗民雜處爭訟日多文常單騎遍歷莊屯開諭之民賴以安

遷知濱州

一統志五

許亮浙江人康熙十年文安縣典史修隄監工速且固人稱善于鼓舞不受私財以失察去

文安楊志

崔啟元藩下舉人康熙十一年知文安縣事令行禁止築河隄葺學宮修縣志廢墜具舉

文安楊志

鹽梟犯竟率兵親勦長子爲賊所害

士民悼之

歲輔唐志六十八

遷行人司行人

楊志

張朝琮浙江蕭山人監生康熙二十五年知文安縣清廉慈惠然蒞事嚴明詢積弊刊榜革之均徭審編親河堤之築設遊船之制申保甲之條念

皇車獨出霸州屬請均之八府斥番役修學宮理城垣

文安楊志編審持

平敘文安慕小邑丁額八千有奇里三十三區其間豪強之統通  
 則胥之欺隱俗什之莫訴積習既久難以猝變公奉檄則指天矢  
 日務期上不虧賦額下不失民情于損益中寓均平法往例屆期  
 各里民表置至縣到涉旬月輒不俾歸公曰何用重困吾子姓焉  
 哉先示政則其日審某里某甲循序以進朝發夕至隻日則坐聽  
 事理訟雙日則其日審某里某甲循序以進朝發夕至隻日則坐聽  
 希覽公于去年與時會親履都落取其有十家連名別一見即識  
 其貌並記其姓名此謂神直詰之曰某某不當入明耶亭長鄉耆  
 無不相顧爾等壯者增凡經審過須待葉香造冊公慮胥吏有以欺  
 勒需索次晨即出榜示又勝芳石溝等里分僻處水鄉離城寫遠  
 公念窮黎跋涉之勞賦食之苦遂目署行部親至一一了結黃童  
 白叟咸感激泣下兩閱月報竣自始迄終民間不煩一錢之費不誤  
 一日之工張朝琮率文畧白敘丙寅夏四月予蒞任得父老問  
 人其境見土地荒蕪人民凋敝井敘里蕭條城垣傾圮亟呼父老問  
 之爭相告曰文安澤國也地形如釜九河下流以苑家口一河灌  
 巨浸者七十萬派飛流而轉注于容刀之渡秋霖泛漲陸地成湖  
 其不為魚蟹者幾希况乎徭役分繁陋例相仍民不堪命起瘡痍  
 而登祗席端望我侯矣聞之心惻然因思民之病瘼寄于令一饒  
 我錢之一席端望我侯矣聞之心惻然因思民之病瘼寄于令一饒  
 必登以求無系厥職幸上憲精察有所請問不應如梓致鼓焚西  
 夏五月調臨洵文之民走上谷籲留者二百餘人河工泣送者千  
 今蒞臨洵未三月泰運上谷籲留者二百餘人河工泣送者千  
 陸勳都受代之暇稍取勞勳數則輯而授之梓人予之心文民能

諒之文之民于  
亦不能忘之也  
三十二年調三河下車卽革火耗米貴捐資平糶

連米自通州倉無絲毫累民  
三河陳志明年遷知薊州員缺請

旨揀授自朝宗始  
薊州張志過抑豪強屏絕私派如學宮如黉樓如西

門與城鳩工倡葺丙子丁丑歲被朝琮設版城鄉捐米賑粥冬寒  
無完襦者夥製棉衣衣之歲歲相因活無算借給箇黎倉糧貧者  
負之三百石朝琮如數代償實廩憫子弟或無力讀書設義學助  
脯延宿儒課之文風丕振三十九年二月丁母憂去父老泣曰安  
必起家甲科者而能及此無慮數百詣

闕留朝琮遇于潞河力止之立去思碑四十一年服闋補深州奉

旨調知薊州慰民懷也  
采訪冊

大城

吳治灝字東卿河南裕州人進士順治四年知大城縣  
大城張志邑錢

糧非中飽則漏卮治漕毀不爽汰者半省者半聽斷輒片言折一

裁一菜胥準市價捐俸餘以餉髦秀

劉漢儒賀吳東卿調安鄉序

調安鄉遷刑

部主事

大城張志

馬騰陞遼東廣甯人生員順治八年知大城縣純誠不欺緩徵科

重學校治巨寇修隄勤且固承久攸賴擢監察御史民立去思碑

大城張志

張志

徐伸字謗廷浙江德清人貢士順治十五年知大城縣持躬廉靜

大城張志政尙大體不苛細學宮爲化理之原下車分案中俸督修進

士子訓迪之獎誘之孤且寒者薦恐後東樞注重輒陷多家伸第

嚴保甲鮮宅及勅村落保聚教父老訓其子弟不爲非外盜無得

擗入

王嘉言賀謗翁榮擢序

減追呼絕苞苴

劉漢儒賀徐謗廷考績序

水旱少愆力請得

錫恤如例沿河隄防以時督其不率聽訟耳目一無所寄吏莫敢



以鈎金束矢引舊例為嘗試出休勸輸設隨粥以活飢民完雉堞

禁羨耗搜隱佔杜訛詐王序士民利賴之遷中城兵馬司指揮大城張志

張象燦陝西咸甯人舉人康熙八年知大城縣大城張志邑東濱海處

九河下流積年停泓包糧賠累失所者數千家象燦下車即履畝

繪圖為民請命辛亥蠲租

令下豁不毛地五百餘頃一時戶頌之裁陋規絕役擾課士子修

學宮嚴保甲劉捷邑侯豁除水荒地畝序修縣志據志

保定

孫光祚山東范縣人舉人順治元年十月知保定縣持躬廉潔下

車詢民疾苦即請撥縣之

皇莊充餉等地區盡得宜歲饑輒發常平倉積穀以賑民賴以蘇

而監司銜之欲坐以監守自盜士民譁然得解縣有魚稅光祚悉

除之痛士廢學立社課爲講經寒暑不倦遷戶部主事臨行有羨  
金五十兩貯之庫代民奏次年稅額去之日士民塞路攀呼志補

六十八參

保定成志

秦簡關東人生員順治六年十月知保定縣性慈恕然廉而殺秋  
土賊蠢動鄰封莊頭或乘機掠鄉鄙婦女簡不分畛域置之法其  
負隅抗者飛騎親擒之威名乃震以鹽引被誣落職嗣事得白十  
三年知懷柔縣有善政祀名宦保定成志

陸光旭浙江平湖人進士順治九年知保定縣以廉著蒞事仁且  
敏凡八載拮据撫摩與民同甘苦十年大水隄決請蠲請賑設粥  
活老弱無算時疫作施藥格棗中俸典衣繼之復除火耗已或無  
炊弗顧也請添汛防摧御史請免霸州保定文安水冲地逋糧康  
熙元年轉冀南道聞縣隄復決飛使資金百分給窮黎八年光旭

赴京聞縣隄再決迂道親履水口咨嗟泣下至京卽請當道代陳以賑離任十載顧復之心未已民立生祠祀之

保定成志

成其範山東樂安人進士康熙八年秋知保定縣廉且敏差務籌辦不絲毫擾民

聖駕駐驛卽陳民疾苦明年修築水岸給價增倚民歡呼趣役縣有水沖沙壓地地去賦則存俗謂包糧者是其範痛陳之巡撫永除其額又撥補獻縣地初誤以小畝起科積三十載其範請收折徵十年間入達嶺檄徵縣丁四百其範以縣小民稀單騎率百人赴役委曲哀陳得免故事雜派鄉場物料狀頭歸第等銀亦請豁之十一年采

皇木解費及宅供應皆辦自俸免火耗禁官價動課士修縣志善政之繫民思如此

保定成志參志序 成其範請除水沖沙壓文潞河州縣俱被水患未有加保邑之甚蓋保邑

為九河下流且當渾水正衝自康熙七年決隄以後地為水佔小民俱失謀生之資此積水地之所以累民也然其不在水冲沙壓中者隄決水佔雖暫時不能耕種堤築水涸猶有可以耕種之期獨是水衝沙壓八十六頃則始於渾河初改之時以沃壤之地冲成溝渠將平厚之區淤為沙嶺此固永久不可耕種者故水冲沙壓之累民更甚於積水未退之累民夫賦由地出哀我作民獨地而去賦猶存地賴人種念茲殘戶乃人進而地益荒若官吏徒知地畝而追糧恐小民必至典妻而鬻子懇念殘黎轉請除豁庶保民得免包稅之苦

### 薊州

于際清字執中

周體觀子公德政碑

掖人遼陽籍貢生順治年知薊州多才

幹

薊州志

愛民好士

碑建學宮

張丁額久失而數從寡散之四方者

百計招徠之屯奸隱抗際清必欲民得其業驛安獄決

碑利興弊

除大綱振起民甚賴之遷濟南知府

張薊民立去思碑

記

胡國佐奉天人廕生康熙三年知薊州

薊州志

性淡泊專事愛養

起林

龍胡公去

恩碑記

張

墾荒不三四年熟者三百餘頃禁羨耗捕

逃之功較諸郡為簡薊苗九河下流為隄孔艱國佐相勢築之堅

水患止薊地換旗民苦為力請曰薊補薊碑寬嚴相濟人感其德

忘其嚴張志治薊四年碑遷湖廣德安同知行之日士民攀泣立碑

張志

董廷恩奉天懷黃旗人廕生康熙十六年知薊州性和藹然遇事

敢為薊州張志州境強半旗莊地撥疆混淆恆產之家嘆無立錐廷恩

核其不應撥者三千五百五十頃有奇申允停撥郭溶董公遺愛碑記修儒

學祀鄉賢張志興義學建社倉清驛遞嚴保甲禁火耗革贖鍾修

州志遷戶部員外郎累官湖南按察使張志又官秩云康熙十

十一年八月十九日去

潘永圖金壇人康熙間薊州知州有犯罪者賄當事請寬之永圖

焚其書立置于法一統志五名宦

嚴宗嘉字二猷號孚亭江西分宜人舉人雍正十二年知玉田縣以艱歸總督以薊運河堤決淹村落數百堵禦工急非宗嘉不可宗嘉以事關民命乘小舟竭來各鄉幾溺者數四賑撫有方貧艱得活遷薊州知州乾隆間金川小醜蠢動調兵進剿十年檄宗嘉赴良鄉辦理經畫周詳軍實無悞而民無驛騷之苦時有倡爲椎牛饗士者宗嘉曰此待凱旋時用之今方出兵勞以酒食足矣若援此例則沿途廢耕牛萬計衆皆悟議遂已其持論得大體類此又協辦涿州順義差務無不井井在薊州民稱其持身清絜云

香樹

文集二十五  
參薊州沈志

王若常字心如惺如其號也浙江仁和人監生福建福甯知府乾隆間左遷山海關通判尋遷薊州知州會當軸者營生壙于薊遣家奴劉姓往劉要若常出迎并誅館舍若常謝焉劉憾甚進蜚語

當軸者言于直隸總督將撫宅事劾若常遂以病免貧不得歸薊之民時以酒食餉并助之歸此可知若常之所以治薊矣當軸者敗

天子詔贈故監察御史曹錫寶都察院左副都御史錫寶嘗劾劉恃勢奢侈者秦瀛王君墓誌

沈銳浙江歸安人監生議敘補永定河武清縣丞遷知良鄉縣道光九年遷知薊州民張廷祥妻孫之夫兄廷喜欲汙之孫堅拒被折辱死廷祥故驂弱廷喜強使以夫毆妻死報銳廉得其情置廷喜于法十年修公廨十一年纂州志薊州志遷南路同知系訪冊

平谷

牟雲龍奉天杏山人順治五年知平谷縣不受私謁決獄無滯六年七月土寇蠶起直逼城下雲龍單騎入營斬其渠魁餘孽盡殄

績最行取廣東道監察御史

平谷朱志

賈文龍字采公蒲州人康熙十年

補文燁賈公遺愛碑

知平谷縣十八年

地震

平谷續志地志記

歲頻歉民多流亡文龍下車即招集之免其徭役

遺愛碑

建書院惠愛士民歷二十二年之久邑人立碑

平谷朱志

于今謳

歌不去口

遺愛碑

曹濯字溶舫陝西人進士道光二十二年知平谷縣不留獄不煩

刑弭盜諍奸或干以私治之向無書院濯于城內東南創建之勸

士大夫銀地並輸以息與稅為諸生膏火貲二十四年調東安卒

于官

采訪冊

提督學政

熊伯龍字次侯漢陽人舉人順治己丑會試第一提督順天學政

崇尙實學釐正文體丹黃甲乙手自評定鑑別精苞苴不行士風



爲之振起卒祀名宦

畿輔唐志  
六十七

李光地字晉卿安溪人康熙丙戌進士由編修累擢兵部侍郎二十三年提督順天學政以經術勵士子文體一軌于正二十九年遷工部左侍郎督學如故後巡撫直隸築子牙河隄遷大學士卒

謚文貞祀名宦

先正事略參畿  
輔唐志六十七

楊名時字賓賓江陰人康熙辛未進士

采訪  
冊

其視學京畿

特擢不由階資始

聖祖仁皇帝悼學政廢弛以九卿督學自李光地始而名時繼之

校士一遵光地成法士雖損棄無怨言

方苞李文貞  
公墓誌銘

猶懼無以興

教化迺頒條約曰爲頒行條約以振士習文風仰副

聖朝作人之化事照得京師風教倡率九州典領之官責任至重

本院荷

皇上隆恩不次簡用恭蒙

聖訓耳提敕以精白一心大昭公道祇領以來夙夜慍慍懼無以興行教化培育人材有負

皇上委任責成至意茲值秋闈期迫即日案臨校錄誠恐師儒習故狃常罔知鼓舞勵精荒廢學行特頒條約以示向方本院下車之日將案此送一稽驗功程率教者褒錄不率教者懲創務期文行彬彬成成髦士該道府州縣等官均有師表之責考核學政本院攸司平日各務悉心教養試事端務登進真才則士氣振而風尚端足以効臣力於涓埃報

聖恩於萬一本院日夜惓惓諒自有同心也

楊氏全書三十二

至於再罔

或姑息由是積年弊竇悉杜絕無餘云

采訪冊

楊名時條約一

仁義常自激發勇往方能問學不怠思勉不已若頽情委靡同乎流俗則雖有美質終不免為鄉人庠序中何賴有此士乎他日為

官亦不過庸碌其臣耳 國家待士至厚復其丁役優其廩餼三

歲賓興以勸其志 皇上稽古布文屢頒恩詔欲使風

俗淳樸以通於時雍之一域士首四民而甘自暴棄亦虛生盛世矣

始一志既定須專一沈潛視聽言動之間莊嚴整肅表裏如一

言動無非此理修身方有所依據而日新月長若頑聽散亂

五倫之道乃天經地義學者當思為天地立心為生人立命為世

道開太平不宜自偷薄也士子果能存心忠孝友愛恭順出言不

詐時室不欺自此加學問則所講明者講明此五倫之道也

命之理而不愧為完人矣樂何如哉舍賢而希聖將有以復其性

好德人心同然平旦之時痛加省念口用之則平日所學何事秉彝

衷默乞靈於聖賢在天之神以啟牖聰明庶幾思或啟之行或翼

之誦讀非口耳之功言行無矯偽之習矣爾多士素行修飾者竭

力勉勵素行不淫者幡然改悔數月之後期年之間本行修飾者竭

察核一善必賞有惡必懲斷不姑息有違 聖訓者必行懲罰之

也核一善必賞有惡必懲斷不姑息有違 聖訓者必行懲罰之

注逐字和讀細看細講反覆思索玩味總期於融會貫通明白文

亦不可遺忘忽略如此則聖賢之意漸見吾心之融會貫通明白文

別是非黑白不然則習中花味昏雜終身不得通曉發言行事俱

無準則矣若注中之意看得未明則看大本精熟者須刻刻溫理令

以相參互可也平日各習一經或有不精熟者須刻刻溫理令

熱限於目下三四兩箇月內人人先熟本經本院於兩月後掣一

不熟者記過止然者補懲決不怪貸過此兩月之後各通旁經一



者教官舉報行後獎賞一文章取材必有原本古文當讀者多  
今不能備讀各宜從件之所好筆路所近於史記漢書韓柳歐曾  
之文擇取一二種先讀由數篇以及數十篇擴充至百篇以上但  
須不怠不息久之自能去俗就雅若竟置不觀文章何自而好至  
前輩程墨房行及近科名家墨藝窗稿須擇其典雅醞暢法老神  
清者為式其膚浮腐爛拾淡成篇於題理無所發明每科中多有  
倖而獲售者槩置勿道可也一科場論題奉功令出太極通  
書西銘正蒙皆先賢直探性命切要示人之書急宜講誦探討求  
明總之專心致志屏去一切則一日有一日之功一月有一月之  
益矣一臥碑內所載條件教官須令生員各寫一冊逐款遵  
依武生亦各一體遵守以後教官若不行宜講勸戒致諸生多育  
違犯以職職論各學中有未立風碑者該教官即與長吏設法刊  
立一本本院仰體皇上帝訓育才至意考核一秉虛公凡  
文武童生入學以及科舉等弟雖絲毫情弊必杜絕無餘或恐棍  
徒匪類誘惑爾等本院嚴加緝獲立置重刑爾多士慎毋為所誘  
自罹法網至於防閑各役及稽察頂替傳遞冒籍等弊本院亦務  
在極嚴極密決不以優柔姑息致叢滋竅寶也官至禮部尙書  
銘墓誌

### 武職

朱萬祺字敬廷涿州涿鹿衛人年十九補涿州學生李自成陷京  
城遣兵徇涿萬祺鳩義士十餘人奮誅其衆城中推為帥守備粗

具賊衆薄城隨方備禦賊多死傷自成怒親率其衆蟻封緣城萬  
祺舉礮擊自成中其蓋自成驚遁城得不陷

本朝定鼎

世祖章皇帝特授爲涿州參將

賜冠帶裘靴萬祺大度有容犯而不校武弁胡毅曾挫辱之後屬  
鈴轄懼不敢見萬祺召諭曰昔韓信且不計惡少但誤公事不爾  
貨耳後佐理河工以勞卒官

畿輔唐志  
七十四

蘇登字天階初名日昇福建南安人

密雲  
薛志

順治十四年

召自福建汀州副將

賜蟒袍補授石匣副將教習藤牌著成效

采訪  
康熙時

親征髮爾旦

命爲前敵

賜名登以功晉都統銜秩同一品

賞花翎兼襲騎都尉回任石匣性鯁遇事不阿忤權貴奪世職花翎夷然也

天子知其直

命留任訓練無少懈以勞卒於官

密雲薛志參冊

華陽吳祖椿校